



116056

I  
ial kony

Mag. St. Dr.




116056

I



Sept. 2. 48 V 1  $\frac{10}{25}$


140



67

140





140

Q. V. 9  
x 35

Q. V. 9  
x 35



CATHOLICUS  
INDEBITE VEXATUS  
ACATHOLICORUM QUÆSTIONE  
UBI SCRIPTUM EST?

RESPONSIONIBUS  
Supererogatoriè satisfaciens.

EDITIO IV.

*Cum Permissu Superiorum.*




CALISSII.

Typis S. R. M. Col. Societatis  
JESU

Annô Domini 1752.

sublet 66 R 6  $\frac{10}{25}$  2437 1/2



116056

I

1592. cu. 35 1/2





## ADMONITIO Ad LECTOREM.

De Libelli hujus scopo scitu  
necessaria.

**S**copus Libelli hujus nequaquam est  
A catholicis bellum indicere; sed hu-  
jus temporis A catholicorum conatus,  
quibus Catholicis, maxime incautio-  
ribus nonnunquam imponunt, exhibere.  
Quid enim frequentius illi ad singula  
sua dogmata jaſtant, & jaſtantiùs cla-  
mant, quàm Scripturam? Quid mole-  
ſtiùs à nobis exigunt, & importuniùs  
extorquere præſumunt, quàm eandem  
Scripturam, quando ſingula noſtræ  
Fidei dogmata ſolemni hac ſua quæſti-  
one intercalant, UBI SCRIPTUM EST?

Sed ſciendum eſt, A catholicos ad Scri-  
pturam jaſtantiùs, quàm veriùs provo-  
care, uti eventus hucusque docuit, dum  
Scripturam inutili planè opera, quia à  
quæſtione propoſita ſepiſſimè alienam,



coacervant: quanquam sic fieri necesse  
est, ubi non Fides ex Divino Verbo addisci-  
tur, sed Verbum Divinū ad Fidē pro arbi-  
trio fictum accommodatur: E contra im-  
pertinenter planē à nobis Scripturam ex-  
igere; quando & probandi partes A-  
ctori, non possessori incumbunt, & Fidei  
rationi penitus adversatur, velle è Scri-  
pturis omnia probari, quæ sine disci-  
mine omnia ab Ecclesia legitimè propo-  
sita (scripta sint verbisque disertis ex-  
pressa, vel secus) credere est parata.

Ut tamen pateat solidiūs nostræ Fi-  
dei dogmata Divinis Scripturis niti, e-  
asque veriūs à nobis allegari posse; Li-  
bellus hic communiores de Fide quæ-  
stiones, quæ controvertuntur, hac rati-  
one exhibebit.

Primò Catholicam doctrinam propo-  
net, quam ipsis Scripturæ verbis (non  
tamen ex debito) juxta SS. Patrum &  
Ecclesiæ sensum comprobabit.

Secundò Doctrinam A catholicam sub-  
jiciet, suis Scripturis vallatam; sed si-  
mul ostendet quàm illam vel violenter  
cogant

cogant, vel minùs sincerè allegent A-  
catholici, dum contra, quàm Ecclesia  
& Patres cum Conciliis tot sæcula jam  
acceperint & explicarint, adducunt.

Tertiò Corollarium apponet, quo per-  
pensis pro utraque Doctrina Scripturis  
Lectori relinquat judicandum, quæ Do-  
ctrina (Catholicane, an Acatolica) ve-  
riùs Verbo Divino innitatur. Verùm  
ut solidius pro alterutra parte decerni  
possit, velim singulas Scripturæ senten-  
tias sincerus, & Veri studiosus Lect. r  
secundùm has quæstiones perpendat. I.  
Cui potiùs, Sanctorum Patrum, an uni-  
us alteriusque sectarii explanationi, re-  
cta ratio svadeat innitendum? II. Quis  
Scripturæ sensus ad rectæ rationis cal-  
culum verior censendus sit, quem tot  
jam sæculis constanter, & inconcusse  
Ecclesia Catholica tenuit, aut quem sæ-  
culo nondum altero tenet Acatolico-  
rum secta? III. Quorum prudentius &  
securius vestigia quis legat, Conciliorum  
ne, tot Episcoporum, Doctorumque ac-  
curatis discussionibus, & maturis judi-




ciis firmatorum, & à Sede Apostolica confirmatorum, an verò propria crisi noviter confictorum, toties, & toties spatium unius sæculi innovatorum dogmatum?

Scriptus est autem Libellus stylo simpliciore, ne fortè quæsitæ aut verborum elegantia aut sententiarum nervosa incisio sensum redderent obscuriorem, unde à Lectoribus vel avidioribus minùs intelligerentur, vel minùs benignis sinistrè explicarentur; Quanquam nec sic satis erit præcautum; quis enim possit, ubi quot capita tot sententiæ, quòdque his placet, illis displicet? Præterea cùm alia mens nulla sit, quàm Catholicis ostendere, quàm vanè Acatolici Scripturam & jactent & tractent, alia argumenta, quibus vel illi Fidei nostræ dogmata oppugnant, vel sua propugnant, vel suam Catholici Doctrinam explicant & stabiliunt producere studiosè est curatum. His igitur præmonitus & præmunitus Amice Lector hoc fruerè Libello & vale.

CON-





CONTROVERSIA I.  
DE TRADITIONIBUS  
CATHOLICA DO-  
CTRINA

**N**on omnia, quae credenda sunt, in  
Scriptura sunt scripta; sed multa ha-  
bemus per Traditiones: Quarum aliae sunt  
Divinae: quas Christus Apostolis; aliae Apo-  
stolicae, quas Apostoli Discipulis suis, & hi  
nobis vel viva voce, vel scripto communica-  
runt. Sed A catholicis quaerunt:

UBI SCRIPTUM EST

R. I Joan. 16. 12. Adhuc multa habeo  
vobis dicere; sed non potestis portare modo.  
Cum autem venerit ille Spiritus veritatis,  
docabit vos omnem veritatem. Et verè do-  
cuit Petrum (ut de Sacramentorum  
forma & materia, de Ordinatione  
Ministorum Ecclesiae & aliis taceam)  
Act. 15. 10. docuit non esse Gentibus  
ad Christum conversis Circumcisionis  
jugum imponendum. Haec tamen  
nullibi scripta sunt.

2 *Controversia I,*

II. 1. Cor. 11. 2. *Laudo vos, quod per omnia mei memores estis: Et sicut tradidi vobis, praecepta mea tenetis. Quæ tamē praecepta nullibi in sacris literis legūtur.*

III. 1. Cor. 11. 34. *Cetera cum venero, disponam. Quid dispoluerit, nusquam in scriptura reperitur.*

IV. 2. ad Theff. 2. 14. *Itaque fratres scite: Et tenete Traditiones, quas didicistis sive per sermonem, sive per Epistolam nostram. Tradiderat autem quædam de Antichristo, uti hoc ipso Cap. insinuat, quæ nullibi scripta reperies.*

Hos textus accipit S. Chrylost. in hunc locum de Traditionibus, inquit: *Hinc patet: quod non omnia per epistolam tradiderint; sed multa etiam sine litteris: Eadem verò fide digna sunt, tam illa, quam ista. Huic consonat Theophyl. hic: Bas. l. de Sp. S. c. 29. Damasc. l. 4. de fide c. 17. Vide Bell. Tom. 1. Cont. 1. l. 4. c. 4. & 5.*

**ACATHOLICA DOCTRINA.**

*Nihil credendum est, nisi quod in Sacris Scripturis continetur, ac proinde omnes Traditiones rejiciende. Sed quærunt Catholici*  
**UBI**



## UBI SCRIPTUM EST;

R. I. Deut. 4. 2. *Non ad retis ad verbum, quod vobis loquor, nec auferetis ex eo.*  
 Et cap. 12. 32. *Quod præcipio tibi, hoc tantum facito Domino: Nec addas quidquam, nec minuas.* CONTRA I. Non agit hîc Moyſes de Verbo DEI ſcripto; ſed viva voce tradito: Nec enim dicit, quæ ſcribo; ſed quæ præcipio. II. Monet populum Judaicum, ne præceptis divinis vel quidquam contrarium addere, vel ea falſa interpretatione depravare præſumant: Nam ipſe Moyſes alia ad hæc ſcripta non tamẽ contraria, addidit Deut 17 10. Ubi ſub mortis pœna jubet Sacerdotis & Pœſtificis decreto obediât.

II. ad Gal. 1. 8. *Sed licet nos, aut Angelus de calo evangelizet vobis: præterquam quod evangelizavimus vobis, an thema ſit.* CONTRA I. Hic locus tam eſt pro Traditionibus, quàm pro ſcriptura, quia ait *evangelizavimus*. I. prædicavimus ſive ſcripto, ſive viva voce. II. Vox præterquã, in qua Acatholici vim ponunt, ſignificat contra: Nã in Græco ſignificat & præter & contra, Sic expo-



nunt Ambr. hîc August. l. 17 contra Faustum c. 3. Hieron. & Chrysost. explicant per *aliter*. Unde hic sensus est: Non solum non audientes, sed rejiciendos esse, qui contraria suæ doctrinæ, sive scriptæ, sive viva voce traditæ, docuerint; sed etiâ qui quomodocunque eam aliter interpretando labefactare præsumpserint. Et nunquid Evang. S. Joannis, & Apocalypsis post hanc S. Pauli Epist. scripta sunt? Vide Bell. loc. cit. c. 10.

III. Apoc. 22. 18. *Si quis apposuerit ad hæc, apponet DEUS super illum plagas scriptas in libro isto.* CONTRA: S. Joannes minatur iis, qui Apocalypsin & S. Scripturam aliquid addendo vel auferendo adulterant; quod Traditiones non faciunt, sed potius explicant, nec prohibet alios libros de præceptis divinis scribi, nam & ipse juxta Kemnitium in Exam. pag 202. post Apoc. scripsit Evangelium. Vide Corn. à Lap. hîc.

IV. Marth 15. 9. *Sine causa colunt me docentes doctrinas & mandata hominum*

Et

Et v. 6 *Irritum fecistis mandatū DEI propter traditionem vestram.* His expressè Traditiones prohibentur. **CONTRA.** Christus loquitur de Traditionibus, quas Scribæ & Pharisei DEI præceptis contrarias ponebant: Non verò de Divinis vel Apostolicis Legi DEI conformibus, de quibus controvertitur.

V. Ad Col, 2. 8. *Videte ne quis vos decipiat per Philosophiam & inanem fallaciam secundum traditionem hominum.* **CONTRA.** Apostolus sicut loquitur de Philosophia, quæ Gentilium superstitionibus nititur, ita loquitur de eorundem traditionibus, quæ Legem divinam, vel directè oppugnant, vel saltem depravant: Non de Traditionibus, de quibus nos agimus. Vide in his loc: Cornel. à Lap. & Bell. loc. cit.

*Corollarium.*

**EX** his colligere est *scriptum esse*, non omnia, quæ credenda sunt, esse scripta; è *contra non scriptum esse*, nihil esse credendum, nisi quod scriptum est.





CONTRORSIA II.  
DE

VERBI DEI INTER-  
PRETATIONE.

CATHOLICA DOCTRINA.

**S**criptura Sacra multis locis satis est ob-  
scura, & perquam difficilis, ut revera  
interpretatione egeat. A catholici qua-  
runt:

UBI SCRIPTUM EST?

**R.** I. Luc. 24. 27. Interpretabatur illis  
in omnibus Scripturis, quae de ipso erant. Et  
v. 45. Tunc aperuit illis sensum, ut intelli-  
gerent Scripturas. Si verò omnibus &  
singulis tam aperta est & facilis, cur  
discipulis Christus debuit interpreta-  
ri, & sensum earum aperire?

**II** Act. 8. 30. Eunuchus Candacis  
Reginae, Italiam legens à Philippo in-  
terrogatus: Putas intelligis quae legis?  
Respondit: Et quomodo possum, nisi ali-  
quis ostenderit mihi? De hoc textu scri-  
bit Hieron. Epist. 103. Venit Philip-  
pus, ostendit ei Jesum, qui clausus latebat  
in littera &c. ut intelligeres, te in Scriptu-  
rae sanctae hinc praevio & monstrante semi-  
tâ, non posse ingredi.



III. 1. Pet. 3. 16. In omnibus epistolis

Paulus loquens in iis de his, in quibus sunt  
quedam difficultates intellectu, quæ indocti &  
inhiles depravant. Hoc textu adeo  
clare scriptum est, ut nemo SS. PP.  
aliter exponat. Vide Bell. Tom. 1.  
Cont. 1. l. 3. c. 1.

## ACATHOLICA DOCTRINA.

Scriptura Sacra ipsa per se est certissima  
apertissima, sui ipsius interpret, intelle-  
cta facilissima, ut nullus egeat explanatione.  
Sed Catholici quærunt:

### UBI SCRIPTUM EST?

I. Deut. 30. 11. Mandatum, quod ego  
præcipio tibi hodie, non supra te est, neque  
protul positum, nec in calo situm, neque trans  
mare &c. CONTRA I. Hoc loco a-  
gitur de facilitate implendi mandata  
Decalogi, ut patet ex contextu: Sic  
ait Tertull. l. 4. contra Marcionem,  
Orig. Ambr. Chrysost & alii in c. 10.  
ad Rom. & August. l. de perf. iust.  
II. Abulensis ait ag. de facilitate co-  
gnoscendi præcepta Decalogi non  
verò scripturam Sacram.

II. Pl. 18. 9. Præceptum Domini luci-  
dum

*dum, illuminans oculos* Et Pl. 118 105.  
*Lucerna pedibus meis verbum tuum* Prov.  
 6. 23 *Mandarum lucerna est, & lex lux.*  
**CONTRA** I. His locis agitur de præ-  
 ceptis Decalogi, quæ & facilia sunt  
 intellectu, & intellecta hominem di-  
 rigūt in operando II. Verbū Dei revela-  
 tum, ubi fuerit intellectum, illustrat  
 mentem. Vide Bell. Tom. 1. Cont. 1.  
 lib. 3. cap. 2.

III. Matth. 5. 14. *Vos estis lux mun-  
 di.* **CONTRA.** Lux boni exempli,  
 & bonæ doctrinæ hoc loco intelli-  
 gitur à S. Chrysoft. hom. 10. in Epist.  
 1. ad Tim. in morali. Ideo subiungit  
 Christus: *Sic luceat lux vestra, ut vide-  
 ant opera vestra bona.*

IV. 2. Petr. 1. 19. *Habemus firmio-  
 rem propheticum sermonem, cui benefacitis  
 attendentes tanquam lucernæ lucenti in cali-  
 ginoso loco* **CONTRA** Prophetarum  
 voces vocantur lucernæ, non quòd fa-  
 cilè intelligantur, sed quòd intellectæ  
 illuminent. Vide Bell. l. c.

V. 2. Cor. 4. 3. *Quod si operum est  
 Evangelium nostrum, in his qui pereunt,  
 operum est, in quibus DEUS hujus sæculi  
 excæcavit.*



*De infallibili Scripturarum Interprete* 9  
*exceperit oculos infidelium.* Si, juxta  
Apostolum, Infidelibus est opertum,  
ergo fidelibus est apertum. CON-  
TRA. per Evangelium non intelli-  
git Apostolus Scripturam, sed myste-  
ria Evangelii, uti sunt, Christi Nati-  
vitas, Passio &c. Vide Cornel. à Lap.  
hoc loco.

*Corollarium.*

EX his Patet scriptum esse, Scripturas  
esse intellectu difficiles. Sed non scri-  
ptum esse, eas esse facilimas intellectu.

CONTROVERSIA III,  
DE INFALLIBILI  
SCRIPTURARUM  
INTERPRETE  
CATHOLICA DOCTRINA.

INFALLIBILIS S. Scripturae Interpres quoad  
sensum literalem, est Spiritus, qui in Ec-  
clesia & Pontifice ut Ecclesia Capite inve-  
nitur, non quem quisvis privatus sibi fin-  
git. Concil: Trident sess 4 Sed quæ-  
runt Acaholici:

UBI SCRIPTUM EST?

R. I Eccl. 45. 21. Dedit illi Aaroni  
summo Sacerdoti, in præceptis suis pote-  
statem,



statem, in testamentis judiciorum, docere  
Jacob testimonia, & in lege sua lucem dare  
Israël. Quid clarius?

II. Act. 15. 5 & seq. Quæstionem,  
an Gentiles ad Christum conversos  
obligaret Lex Moysis, S. Petrus cum  
Concilio Apostolorum Jerosolymæ  
habito, decidit scribens: *Visum est Spi-  
ritui Sancto & nobis &c.* Hinc Theod.  
Epist. ad Leonem P. ait: *Si Paulus tu-  
ba S. Spiritus ad Petrum concurrit, ut ab  
ipso offerret solutionem, multò magis nos  
pusilli ad Apostolicam vestram Sedem currimus.*

III. Ad Gal. 2. 1. *Ascendi Jerosoly-  
mam cum Barnaba & Tito: Et contuli cum  
illis Evangelium: quod prædico in Gentibus;  
seorsum autem iis, qui videbantur aliquid  
esse, ne fortè in vacuum currem aut cu-  
currissim.* Contulit verò ideo cum Pe-  
tro & Apostolis, ut Adversariis do-  
ctum, ejus improbantibus, possit di-  
cere: Sic visum est Spiritui Sancto &  
Concilio Jerosolymitano. Ita Hier.  
Epist. 89. ad August. inter Ep. Au-  
gust. 11. Tertull. 14. contra Marci-  
on: & August. lib. 28. contra Fau-  
stum c. 4. Vide Cornel. à Lap hic.

*De infallibili Scripturarum Interprete* 11  
**ACATHOLICA DOCTRINA.**

**S**piritus, quia infallibilis Scripturæ est interpres, anon est alligatus Ecclesiæ, aut summo Pontifici, aut Concilio Episcoporum: Sed apud quemvis privatum, si is donum habeat interpretationis, reperitur. Sed quærunt Catholici.

**UBI SCRIPTUM EST?**

**R.** I. II. 54. 13. Dabo universos filios tuos doctos à Domino. **CONTRA.** Loquitur de gratia Spiritûs S. quâ homo interiùs à Deo movetur, & sive impellitur ad credendum, & amandum, uti exponit S. Aug: lib. de gratia Christi c. 12. 13. & 14. Vel ait: non jam per Prophetas, sed per Christum Filium meum docebo: Sic explicat D. Cyril. juxta illud Heb. 1. Novissimè locus est nobis in Filio.

**II.** Jer. 31. 33. Dabo legem meam in visceribus eorum, & in corde eorum scribam eam: & non docebit ultra vir proximum suum, & vir fratrem suum, omnes enim cognoscent me à minimo usque ad maximum eorum. **CONTRA.** Per legem meam intelligit S. August. l. de spir. & litt. c. 21, & 24. Gratiâ novi Testamenti



stamenti, hoc est, Fidem per charitatem operantem, quâ non solum sciamus, sed & impleamus mandata DEI.

III. Matth. 23. 8 *Nolite vocari Rabbi, unus est enim Magister vester, Christus.* CONTRA. Non prohibet Christus habere in Ecclesia Magistros, qui scripturas explicant; sed ambitionem illius nominis vetat. Nunquid & Paulus 2. Tim. 1. 11. se vocat *Magistrum Gentium?*

IV. Joan. 5. 34 *Ego non ab homine testimonium accipio.* Ergo nec scripturæ egent Pontificis & Concilii testimonio. CONTRA. Christus ait sui causâ non egere se hominum testimonio, non tamen negat se nostri causâ indigere: Imò ait Joan. 1. 7. *Hic venit in testimonium, ut testimonium perhiberet de lumine I me.* Et Joan. 15. 27. *Vos testimonium perhibebitis de me, qui ab initio mecum estis.* Et Act 1. 8. *Eritis mihi testes in Jerusalem, & in omni Iudæa.*

V. Joan 7. 17. *Si quis voluerit voluntatem ejus facere, qui misit me: Cognoscat de doctrina, utrum ex DEO sit.*  
Ego



*De infallibili Scripturarū Interprete.* 13  
Ergo non opus est Ecclesiam audire.  
**CONTRA.** Hic ostendit vitiosos ha-  
bitus superbiæ &c. impedire, quò mi-  
nùs veros scripturarum interpretes  
audiant, & intelligant.

**VI** Joan. 10. 27. *Oves mee vocem  
meam audiunt.* **CONTRA.** Non ex-  
cludit alios, per quos ad oves suas  
loquatur, nam dicit Luc, 10. 26. *Qui  
vos audit, me audit:* Sed excludit hostes  
& fures. Deinde loquitur de voca-  
tione ad suum ovile: Ut ait hic S.  
August.

**VII.** Act. 17. 11. *Berceani su-  
perant verbum cum omni aviditate quotidie  
scrutantes Scripturas; si hæc ita se haberent,  
quæ Paulus prædicabat;* Atqui hi non  
erant Concilium, sed Laici & priva-  
ti homines. **CONTRA I.** Illis nōdum  
constabat Apostolum non posse er-  
rare: Christianis verò constat Eccle-  
siam non posse errare. **II** Non illicitum  
est privatim Scripturas scrutari  
veritatis causâ: Non tamen est lici-  
tum eas scrutari depravandi & calum-  
niandi causa. Vide cornelia Lap. hic

**VIII.** 1. Cor. 12. 11 *Hæc omnia o-  
pera-*

deratur unus & idem Spiritus dividens singulis prout vult. CONTRA I. Apostolus non dicit omnibus dari donum interpretandi, sed aliquibus, quod Catholici non negant. II. Apostolus hic non negat summum Pastorem & Concilium habere Spiritum Scripturam interpretandi.

IX. 1. Joan. 2. 27. *Non necesse habetis, ut aliquis doceat vos: sed unctio docet vos de omnibus.* CONTRA. S. Joannes non dicit nullum eos de cognitione rerum Fidei debere admittere Doctorem: sed monet circa ea quae jam dixerunt, non debere eos audire alios contraria docentes: Cur alioquin S. Joannes hanc Epistolam scriberet, in qua multa eos docet? Vide Bell. Tom. 1. Cont. 1. l. 3. c. 10.

*Corollarium.*

Hinc videre est, in Ecclesia & Concilio esse veram interpretationem; è contra non scriptum esse, quemvis privatum posse scripturas interpretari.

CON-



CONTROVERSIA IV.  
DE VISIBILI ECCLESIA.  
CATHOLICA DOCTRINA.

**E**cclēsia (quæ est cætus hominum ejusdem Christianæ Fidei professione, & eorundem Sacramentorum communione, sub legitimum Pastorum, & præcipue unius Christi in terris Vicarii, summi Pontificis, regimine colligatus) est visibilis. De hoc Acatholici quærent.

UBI SCRIPTUM EST?

**R.** I. Num. 20. 4. *Cur eduxistis Ecclesiam Domini in solitudinem?* 3. Reg. 8. 14. *Convertitque Rex faciem suam, & benedixit omni Ecclesiæ Israel: omnis enim Ecclesia Israel stabat.* In quibus locis per Ecclesiam nihil aliud significatur, quàm populi cætus, qui est visibilis.

**II.** Math. 16. 18. *Super hanc petram ædificabo Ecclesiam meam.* Petra hæc, quia eam demonstrat, est visibilis; cur non & Ecclesia ei superædificata? Math. 18. 17. *Dic Ecclesiæ,* S. Hieron. & Ans. hic, & S. Greg. l. 4. Ep. 38. intelligunt cætum fidelium: Quomodo autem dicet Ecclesiæ l. cætui fidelium,

delium, si non est visibilis? Act. 20: 28. Vos Spiritus S. posuit Episcopos regere Ecclesiam DEI. Act. 15. 3. Illi deducti ab Ecclesia &c. v. 4. Suscepti sunt ab Ecclesia. Act. 18. 22. Salutavit Ecclesiam. 1. Cor 15. 9. Persecutus sum Ecclesiam. Quomodo hæc conveniunt, si Ecclesia non sit visibilis?

III. Matth. 5. 14. Non potest civitas abscondi supra montem posita. Hunc locum explicat S. Aug. l. de Unit. Eccles. c. 14. & alibi passim de Ecclesia. Si autem non potest abscondi; ergo erit visibilis. Idem probant aliæ parabolæ Evangelicæ de Ovili, reti, convivio &c. quibus intelligitur Ecclesia.

#### ACATHOLICA DOCTRINA.

**E**cclēsia in terris vel planè est invisibilis, & soli DEO cognita; vel tantùm nomine est visibilis. Sed quærunt Catholici:

#### UBI SCRIPTUM EST.

R. I. Jer. 31. 33. Dabo legem meam, Ecclesiam, in visceribus eorum, & in corde eorum scribam. CONTRA. Per Legem non intelligitur Ecclesia, sed Testamentum novum, vel lex charitatis in cordi-



in cordibus scripta: Quæ lex licet non videatur, videtur tamen Ecclesia, in qua est illa lex, sicut videtur corpus, licet cor non videatur. Vide Bell: Tom: 2. Cont: 1. l, 3. c. 15.

II. Luc. 17. 21. *Non venit regnū DEI cum observatione, neque dicent: Ecce hic, aut ecce illic. Ecce regnum DEI intra vos est.* CONTRA. I. Theophylactus intelligit per Regnum DEI gratiam divinam, quā DEUS in hominibus regnat, & hæc non est visibilis II. Beda explicat hunc locum de Messiaæ adventu, quem ait fuisse tam humilem, ut nec fuerit observatus venisse, nec postea more Regum potuerit monstrari.

III. Joan. 4. 23. *Venit hora, & nunc est, quando veri adoratores adorabunt Patrem in spiritu & veritate:* Ergo non erit visibilis Ecclesia, in qua adoretur. CONTRA. Non agitur hic de loco, sed de ritu colendi DEUM; nimirum Christiani non colent DEUM tantum externis ceremoniis & corporalibus victimis, ut Judæi (exponente Chrysost. Cyr. & Euth.) nec præter verum

rum DEUM simul & falsos Deos colent, ut Samaritani (explicante Theophyl. D. Thoma & Cajet.) sed in spiritu. I. modo spirituali & interno, qui tamen non omnes ceremonias externas excludat, & in veritate. I. unum & verum DEUM colent, Vide hñc Cornel à Lap.

IV. Hebr. 12. 18. *Non accessistis ad tractabilem montem, Sinai, & accensibilem ignem, sed (v. 22.) accessistis ad Ston montem spiritualem & civitatem DEI viventis &c.* CONTRA Per montem *Si on*, intelligit Theophyl. & Oecumenius Ecclesiam triumphantem in cælis, uti etiam contextus sequens debere intelligi confirmat, *Jerusalem caelestem, & multorum millium Angelorum frequentiam &c.* quæ utique nobis nunc invisibilis est.

V. 1. Pet. 2. 5. *Ipsi tanquam lapides vivi superædificamini domus spiritualis, Sacerdotium sanctum, offerre spirituales hostias DEO.* CONTRA. Spirituale hñc sumitur, sicut 1. Cor. 2. 15. *spiritualis homo;* Et 1. Cor. 15. 44. *Corpus spirituale,* pro eo scilicet, quod secundum



dùm spiritum, & non secundùm carnē sit, & prout spirituale opponitur animali. Sic sumit S. Ber: tr. de vita solit, & S. Aug: de Fide & Symb. c. 6.

## Corollarium.

**EX** his quis non videt, scriptum esse, Ecclesiam esse visibilem: non verò esse scriptum, Ecclesiam esse invisibilem?

## CONTROVERSIA V.

## DE

## ECCLESIAE DURATIONE

## CATHOLICA DOCTRINA

**E**cclēsia Visibilis, prout dicit Congregationem Fidelium, non potest deficere. A catholicis quærant:

## UBI SCRIPTUM EST.

**R:** I Match. 16, 18. Super hanc petram ædificabo Ecclesiam meam, & portæ inferi non prævalebunt adversus eam. Hinc dicit S. Gregor. hom. 4. de verbis Isa. Facilius est, solem extinguere, quàm Ecclesiam obscurari.

**II** 1. Tim. 3. 15. Ecclesia DEI vivi columna & firmamentum veritatis est. S. Chrysost. & Beda ajunt, eam esse firmamentum activū & passivum: & eā

B

à DEO

à DEO confirmari, & ab illa rursus confirmari fideles.

III. Matth. 28. 20. *Ecce ego vobiscum sum omnibus diebus usque ad consummationem sæculi.* Cum discipuli, quibus Christus ascensurus in cælos hæc dixerat, non essent victuri usque ad finem sæculi, necessario hæc verba ad eorum etiam successores dicta erunt. De duratione Ecclesiæ hunc locum accipit S. Hieron, Leo I. in Epist. 31. ad Pulcheriam Aug. & Leo II. in Epist. ad Constantinum August.

### A CATHOLICA DOCTRINA.

*Ecclesia, quæ est invisibilis, non potest quidem deficere; sed quæ est visibilis, potest deficere & fidem perdere. sed.*

### UBI SCRIPTUM EST?

R. I. Genes. 3. Quando Adam & Eva per peccatum à DEO apostatarunt. CONTRA I Adam & Eva non fuerunt Ecclesia, sed Adam solum fuit Ecclesiæ initium. II. Licet Adam defecit malè vivendo, non tamen malè docendo: hoc autem est, Ecclesiam deficere, si mala docet.

II. Exod. 32. 4. Aaron summus Pon



Pontifex proposuit Vitulum aureum adorandum; & totus populus clamavit: *Hi sunt Dii tui Israel.* Ergo tota hæc Ecclesia cū capite suo defecit. CON-

TRA I. Aaron tum nondū erat summus Pontifex, adeoque nec erat Ecclesiæ illius caput: nam modò Exod. 40. 13. unctus est in Sacerdotem. Moyles erat Caput, sed is non defecit.

II. Nec totus populus clamavit: nam omnes Levitæ immunes erant ab hoc peccato, ut patet v. 26. ubi Moyles ait *Si quis est Domini, jungatur mihi: Congregatique sunt ad eum omnes Filii Levi.*

III. 3 Reg; 19. 14. *Dereliquerunt pactum tuum filii Israel, & relictus sum ego solus.* Ergo defecit ibi Ecclesia, CON-

TRA. I. Populus Israël, & Judæorū non erat tum universalis Ecclesia: nam etiam extra Synagogam erant fideles, ut Melchisedech, Job &c. II. Nec Elias loquitur de toto Iſràele, sed de una pârte, quæ sub Rege Samaritæ erat. Hinc Dominus dicit, v. 18. *Derelinquam mibi in Israël septem millia virorum, quorum genua non sunt incurvata ante Baal.* Hi certè non erant invisibiles,

sed visibiles: & hi non defecerunt.

IV. Ps. 1. 3. *Israël me non cognovit. A planta pedis usque ad verticem non est in eo sanitas.* Jerem. 2. 29. *Omnes dereliquistis me, dicit Dominus.* CONTRA I. Israël non erat tota Ecclesia ut jam supra dictum. II. Juxta S. August. l. de unit. Eccles. c. 12. & lib. contra Donatistas post collat. c. 20. Prophetæ sæpè per synecdochen accipiunt totum populum pro parte.

V. 2 Paral 15. 3. *Transibunt dies multi in Israël & absque Deo vero, & absque Sacerdote Doctore, & absque Lege.* CONTRA. I. Loquitur de Israël tantum, & non de Juda, ergo non de tota Ecclesia. II. Videtur loqui de tempore post Messiae adventum, quo in Judæis hæc vera esse videmus.

VI. Dan 9. 27. *Deficiet hostia & sacrificium:* Ergo & Ecclesia. CONTRA. Sermo est de Ecclesia Judæorum, cui Deus nunquam promisit, fore, ut nunquam deficiat, sicut suæ Ecclesiæ Christus Matth. 16. 18. Sic Chrys. Theophyl. Hier. in c. 24. Matth. Aug. Epist. 80. ad Hesichium & alii. Vide  
Bella-



Bellarmin. Tom. 2. Cont. 1. l. 3.  
c. 16.

VII. Luc. 18. 8. *Filius hominis veniens, putas, inveniet fidem in terra?* CONTRA. Non est sermo de fide simpliciter, sed de eximia quapiam fide, quæ in paucis reperitur: sic exponunt Hier. in Dial: contra Lucifer & August. l. de Unit Eccl. c. 13.

*Corollarium.*

ERGO scriptum est, Ecclesiam non posse in fide deficere; posse autem deficere, non scriptum est.

CONTROVERSIA VI.  
DE  
INFALLIBILITATE  
ECCLESIAE.  
CATHOLICA DOCTRINA

*Ecclesia (sive sumatur pro universitate fidelium, sive pro universitate Episcoporum) non potest errare in iis, quæ credenda proponit, sive ea expressè in Scripturis habeantur, sive non. Acatholici quærunt,*  
UBI SCRIPTUM EST?

Ex I. Joan. 14. 16. Ego rogabo Pa-

trem, & alium Paracletum dabit vobis, ut maneat vobiscum in eternam, Spiritum veritatis. Et Joan. 16. 13. Cum venerit ille Spiritus Veritatis, docebit vos omnem veritatem. Juxta quam promissionem tenetur Christus, ab Ecclesia omnē in fide removere errorem, ut docet S. August. in Enchiridio. cap. 3.

II. Matth: 18. 17. Si Ecclesiam non audierit, sit tibi sicut Ethnicus & Publicanus. Ex his verbis omnia Concilia dicunt, sub anathematis pœna teneri nos in omnibus Ecclesiæ credere: et set autem iniquum, si illa posset errare.

III. 1. Tim: 3. 15. Ecclesia DEI vivi, vocatur columna & firmamentum veritatis. Vide Controversiam V. de hoc loco, sup: Neque sic vocatur, ut vult Calvinus, quia fideliter custodit Scripturas. (Sic enim & officinæ librariæ essent columnæ veritatis) sed quod Ecclesiæ auctoritati innitatur veritas sicut domus columnæ.

IV. Matth: 23: 3. Quæcunque dixerint vobis, servate & facite. Et Luc. 10. 16. Qui vos audit, me audit. His jubemur



mur à Christo audire Episcopos & Prælatos, prout Ecclesiam representant, & iis obedire: ergo debent posse non errare in rebus fidei.

ACATHOLICA DOCTRINA. I

**E**cclēsia, non potest quidem errare, si sumatur pro universali, & nihil proponat, nisi quod expressè est in Scripturis: secus, si vel sumatur pro cætu Episcoporum tantum, qui Ecclesiam representant, vel proponat, quod non expressè est in Scriptura. Sed quærent Catholici:

UBI SCRIPTUM EST?

**R.** I. 3. Reg. 22. 23. Dedit Dominus spiritum mendacii in ore omnium Prophetarum, qui erant quadringenti: ergo Ecclesia erravit. **CONTRA.** Hi erant Pseudoprophetæ (ideò quærebat Rex Josaphat, num ibi sit aliquis Propheta Domini?) nec aliter pertinebant ad Ecclesiam, quàm prædicantes Hæreticorum.

**II.** II. 56. 10. Speculatores ejus cæci omnes, nescierunt universi, videntes vana &c. Si præfules omnes errarunt, ergo & Ecclesia. **CONTRA.** Propheta loquitur synecdochicè. Vide dicta **Contr.** 5. **Doct.** Acath: IV. **III.**

III. Tempore Passionis summus Sacerdos cum omnibus sacerdotibus & senioribus populi; & universo populo erravit, cum illi Marc: 14. 64. condemnârunt *Reum mortis* Christum: hic verò à sacerdotibus seductus clamavit ad Pilatum *Mat: 15, 14, Crucifige eum.*

CONTRA, I, Sacerdotes & Pontifices synagogæ privilegium non errandi in docendo populum tantùm habuerunt usque ad Christi tempora, II, Non omnis populus clamavit: nam etiam Jerosolymis erant Nicodemus, Joseph ab Arimathæa, alique multi, & multi Judæi erant alibi dispersi, qui non clamârunt.

IV, Omnes Apostoli, qui erant Episcopi Ecclesiæ, tempore Passionis fidem amiserunt, sicut prædixit eis Christus Matth, 26, 31, *Omnes vos scandalum patiemini in me, Quare* Marc, 16, 14, *Exprobravit incredulitatem eorum & duriciam cordis,* CONTRA I. Apostoli tempore Passionis erant solum Episcopi designati, nec nisi materialis pars Ecclesiæ quæ errare potest; nondum enim acceperant Spiritum Sanctum



Sum, II: Non est probabile Apostolos Fidem amisisse, quia Luc, 22. 32, ait Christus Petro: *Rogavi pro te, ut non deficiat fides tua.* III, Scandalum significat peccatum fugæ, non verò apostasiam à fide, IV, In illo Marci tantum arguit tarditatem in credendo, non fidem amissam, Vide Cornel: à Lap, hic & Bell: Tom: 2, de Eccl: mil: 1, 3, c, 17

*Corollarium.*

**S**equitur, scriptum esse, Ecclesiam in rebus fidei non posse errare: & non scriptum esse, eam posse errare.

## CONTROVERSIA VII.

DE

### VISIBILI CAPITE ECCLESIAE CATHOLICA DOCTRINA.

**E**cclēsia quidem totius Caput est Christus; tamen quia ipse à militante Ecclesia secundum visibilem praesentiam abest, est & aliud Caput visibile, quod loco Christi, visibilem hanc Ecclesiam gubernet. A catholici quærun:

UBI SCRIPTUM EST?

R. I. Exod. 40. 13. *Applicabis Aaron & filios ejus ad fores tabernaculi testimoni,*

*Et lotos aquâ indues sanctis vestibus, ut ministrant mihi, Et unctio eorum in sacerdotium sempiternum proficiat. Si teste Paulo 1. Cor: 10. 6. In figura facta sunt nostri, quæ in Veteri Testamento sunt facta, debet Ecclesiæ esse visibile aliquod Caput, sicut fuit synagogæ caput visibile summus Sacerdos Aaron. Et hoc modò argumentantur Magdeburgenses Cent, 1, 1, 1, c, 7,*

*II, In variis similitudinibus, quib9 Ecclesia comparatur: Cant: 6, 4, Castrorum aciei ordinatae, Cant: 7, toto: Corpori humano, Joan: 10. 1. Ovili, 1, Tim: 3, 15, Domui, 1, Petr: 3: 20, Arca Noë, Quæ ut subsistant, requirunt Caput visibile, à quo regantur. Hinc in illud ad Tim: 3, ait S, Ambro: Domus Dei est Ecclesia, cujus hodie Rector est Damasus,*

### ACATHOLICA DOCTRINA

*Non est in Ecclesiâ nisi unum Caput invisibile Christus, Verùm,*

### UBI SCRIPTUM EST?

*R, 1, Luc: 22, 24, Facta est contentio inter Apostolos quis eorum videretur esse major? Dixit autem eis: Reges genti-*



gentium dominantur eorum, vos autem non  
 sit, sed qui major est in vobis,  
 fiat sicut minor, Hic Christus impro-  
 bavit Zelum inter eos habēdi Caput.

CONTRA. Non improbatur Ca-  
 put, quod regat; sed præscribitur re-  
 gendi modus humilis & modestus, a-  
 lienus ab ambitione & Tyrannide.  
 Vide Cornel. à Lap. in Math. 20. 26.  
 & Bell. Tom: 1. de Ecclesi: mil:  
 lib. 1. c. 9.

II. Ad Ephes: 4. 11. Et ipse dedit  
 quosdam quidem Apostolos, quosdam autem  
 Prophetas, alios verò Evangelistas &c. nec  
 fit mentio unius summi Pontificis.

CONTRA. I. Ponit ante omnes in  
 Ecclesia Apostolos; & inter Aposto-  
 los (uti Contr. seq. videbimus) uni  
 commendat gregem. II. Hic non tam  
 Ecclesiæ delineat Hierarchiam, quàm  
 varia dona in Ecclesia. Sic exponūt  
 Chrys. Oecum: Theophyl.

III. Ad Ephes: 4. 7. Unicuique no-  
 strum data est gratia secundum mensuram  
 donationis Christi; dicit Apostolus: Nō  
 verò uni data est summa potestas.

CONTRA. Nec nos dicim9, Capiti Vi-

visibili Ecclesiæ datam esse plenitudinem omnis potestatis, quam Christus in suam Ecclesiam habet; Christus enim regit in æternum omnem Ecclesiam, quæ est in cælo, purgatorio & terris; & pro arbitrio suo potest Leges condere, Sacramenta instituire &c. Sed visibile Ecclesiæ Caput tantum eam Ecclesiæ partem, quæ est in terris regit; & quidem dum vivit. Nec potest Sacramenta instituire &c. Vide Bell. hîc loc. cit.

IV. Ephes. 5. 13. *Christus Caput est Ecclesiæ.* Ergo non est ponendum alterum, alioquin Ecclesiæ erit biceps. CONTRA. Non ponimus alterum Caput cum; sed aliud Caput, sub Christo, ut ejus Vicarium & Visibile: Sicut in Regno, absente Rege ponitur Pro-Rex.

*Corollarium.*

AN non scriptum est, esse aliquod Caput Visibile Ecclesiæ, & non scriptum est, non esse visibile Caput Ecclesiæ?



DE

PETRO VISIBILI ECCLESIAE  
CAPITE.

CATHOLICA DOCTRINA.

**P**etrus est à Christo constitutus visibilis  
Caput in Ecclesia. A catholicis quæritur.  
UBI SCRIPTUM EST?

R. I. Matth. 16. 18. *Tu es Petrus, &  
super hanc petram edificabo Ecclesiam me-  
am &c. Et tibi dabo claves regni caelorum,  
& quodcumque ligaveris super terram, e-  
rit ligatum & in caelis, & quodcumque sol-  
veris super terram, erit solutum & in ca-  
elis.* Per Petram S. Petrum intelligi, te-  
net I. Totum Chalcedonense Con-  
cilium 630 Patrum. II, Tota Eccle-  
sia Catholica. III. Aug: Orig: Athan:  
Basil: Chrys: Theophyl: Tertull: Hil-  
lar: Hier: Max: Leo: Greg: aliique:  
Vide Bell: loc; cit: ad longum. Per  
super hanc Petram edificabo Ecclesiam me-  
am, committi intelligitur regimen Ec-  
clesiæ, à Chrys: Amb: Greg. Hier: a-  
liisque ibidem. Per claves datas intel-  
ligitur summa potestas in omnem Ec-  
clesiam, sicut quando Gubernatori  
tra-

traduntur claves Urbis, creditur simul tradita potestas Urbem gubernandi. Sic intelligit S. Greg: 1. 4. ep: 32. & alii apud Bell: ibidem.

II. Joan: 21. 17. *Pasce oves meas.* Hoc soli Petro esse dictum probat Scripturæ contextus, & agnoscunt P. P. Cyr: Aug: Chrys: Ambr: Max: Leo aliique. Per *pasce* non mandatur solum, ut ministraret cibum ovibus sicut minister, sed provideat, procuraret, præsit & dirigat, sicut Præpositus: sic accipit Aug: & alii. Per *oves* intelligitur universa Ecclesia ab Epiph: Chrysost: Amb: Leone, Theophyl: & aliis. Vide Bell: loc: cit: c, 14. 15. & 16.

III. Matth. 10. 2. Marc. 3. 16. Luc: 6. 14. Actor: 1. 13. ubi omnes Apostoli nominantur & numerantur Et Matth: 17. 1. Marc. 5. 37. Marc: 13. 3. Luc: 8. 51. Luc: 22. 8. Joan: 21. 2. Ubi duo vel plures Apostoli nominantur, primo loco ponitur S. Petrus.

**CATHOLICA DOCTRINA.**  
*A*catholici negant, Petrum esse Caput  
 Ecclæ



De Petro visibili Ecclesie Capite 33  
Ecclesie in terris à Christo constitutum. Sed  
Catholici quærent:

UBI SCRIPTUM EST?

R. I. 1. Cor: 3. 11. *Fundamentum aliud nemo potest ponere, præter id, quod positum est, quod est Christus Iesus.* Hic Paulus non agnoscit Petrum pro Capite aut fundamento. CONTRA. Christus à Paulo vocatur, & est fundamentum fundamentorum, i. primum, quod seipso subsistit, & sustinet etiam Petrum, juxta S. Aug: in Psalm: 86. 1. Quod non impedit, quò minus Petrus sit fundamentum secundariū. Vide Cornel: à Lap. hic.

II. Ephes. 2. 20. *Superedificati super fundamentum Apostolorum & Prophetarum ipso summo angulari lapide Christo Iesu.* Ergo non solus Petrus est hoc fundamentum. CONTRA. Apostoli dicuntur fundamenta. I. Particularium Ecclesiarum, quas primi in variis regionibus fundarunt, ex quibus coalescit Ecclesia Universalis. II. Quia primi doctrinam à DEO revelatam acceperunt, & per Orbem terrarum disperferunt. III. Quia cum Petro

tro fuerunt primi Pastores Ecclesiæ Universæ. Inter eos tamen Petrus erat Pastor ordinarius, illi extraordinarii, quasi Legati vel Nuntii ad Regionem, quod Petrus non poterat ipse abire: Petrus autem erat Pastor supremus; ita ut ab eo omnes alii penderent, non verò vicissim ipse ab aliis. Sic ait Hier: l. 1. contra Jovin:

III. Sicut Petrus nomine omnium dixit: *Tu es Christus Filius Dei vivi*: Ita Christus vicissim ei nomine omnium respondit: *Tibi dabo claves &c.* Ergo ex his verbis non soli Petro primatus est assignandus. CONTRA. S. Chrysost: & alii PP. ajunt, cum alii Apostoli nescirent respondere, Petrum tanquam caput, & os Apostolorum respondisse, Christum tamen Petro soli, tanquam Capiti reliquorum, dedisse claves. Vide Bell hñc c. 12.

IV. Matthæ 18. 18. Dicit Christus omnibus Apostolis: *Quæcunque alligaveritis super terram: erunt ligata & in celo: Et quæcunque solveritis super terram, erunt soluta & in celo.* Joannis 20. 22. *Accipite Spiritum S quorum remiseritis peccata remitt-*



remittantur eis; & quorum retinueritis, retenta sunt. Ergo non solus Petrus accepit claves, & potestatem. CONTRA. In loco S. Matth: omnibus quidem Apostolis promittitur clavium potestas, quæ postea Joan: 20 est data, sed (quod adverte) tanquam Legatis & Pastoribus extraordinariis dependenter à Petro, cui potestas data est ut Pastori Ordinario, & Capiti independentem ab aliis: unde soli Petro dicitur, *Pasce oves meas*. Vide Bell: loc: cit:

V. Ad Gal: 2. 5. *Quibus neque adhoram cessimus subjectione, &c.* Hic Paulus nullam ad Petrum tanquam ad Ecclesiæ caput, agnoscit subjectionem. CONTRA. Paulus non loquitur hic de Petro, sed falsis subintroductis fratribus, qui urgebāt, ut Titus circumcideretur. Vide Cornel: à Lap: hic.

VI Ibid: v, 6, *Mibi, qui videbantur esse aliquid, nihil contulerunt:* hic Paulus etiam Petrum ut caput non respicit. CONTRA. Non agit de gubernatione, sed de Evangelio, quod, ait, se non à Petro, aut aliis Apostolis, sed  
ab

ab ipso Christo accepisse: patet ex cō-  
textu capitis.

VII Ibid: v, 8. *Qui operatus est Petro  
in Apostolatū Circumcisionis, operatus est  
& mihi inter Gentes.* Ergo Paulus in  
Jurisdictione fuit à Petro divisus, ita  
ut Petro tribuerentur Judæi, Paulo  
Gentes. Ergo Petrus non erat caput  
omnium. CONTRA. Hæc divisio  
fuit tantū Provinciarum, sicut & in  
Apostolis aliis, omnibus enim dictū  
est: *Euntes docete Gentes,* Et revera  
Petrus etiam ad Gentes abiit, nam  
sedem Romæ posuit inter Gentes.

VIII, Ibid: v, 11, *Petro Paulus in  
faciem resistit* ergo Paulus Petrum non  
respexit ut suum Caput. CONTRA.  
Reprehendit Paulus Petrum, sed non  
negavit ei Primatum: neque indecēs  
est, si inferior quandoque, cum debi-  
ta tamen modestia & reverentia, su-  
periores moneat. Ita Cypr. in Ep: ad  
Quintū; & Greg: Hom: 18: in Ezech:

*Corollarium.*

Vides, scriptum esse, Petrum à Chri-  
sto visibile Caput Ecclesiæ esse con-  
stitutum, non verò scriptum esse eum non  
esse



*De Petri in Primatu Successore* 37  
*esse à Christo constitutum.*

CONTROVERSIA IX.

DE

PETRI IN PRIMATU SUCCESSORE.

CATHOLICA DOCTRINA

*P*etro in Primatu, hoc est, in Regimine totius Ecclesie, succedit quivis Pontifex Romanus legitime electus. Acatholici quærant:

UBI SCRIPTUM EST?

*R.* I. In Veteri testamento, quod fuit figura Novi, ubi successores Aaronis fuerunt æquæ summi Sacerdotes, ac ipse Aaron, Num: 20, 28, Aaroni successit Eleazarus, Jud, 20 28, Eleazaro Phinees, & ita deinceps.

II. Joan: 21, 17, *Pasce oves meas.* His verbis, ait S. Chrys: 1, 2, de Sacerdotio, Christus Oves, quarum causâ sanguinem suum effudit, tum Petro, tum Petri successoribus committebat. Ex hoc textu hoc Argumentum conficitur: Necessè est esse aliquem, qui mortuo Petro, & ovile regat,  
quod

quod usque ad consummationem mundi manebit, & Oves pascat: eadem enim est necessitas semper, quæ fuit initio Ecclesiæ. Atqui non fuit hactenus in Ecclesia assignatus alius, quàm Romanus Pontifex, quem etiam Concilia, Nicænum, Chalcedonense, Constantinopolitanum ante quintam Synodum, Lateranense, Lugdunense Generale, Florentinum &c. admittunt: Ergo Ille est Successor Petri.

### ACATHOLICA DOCTRINA.

*Romanus Pontifex succedit quidem Petro in Romano Episcopatu; non verò in Primatu vel regimine totius Ecclesiæ. Sed*

UBI SCRIPTUM EST?

( NULLIBI )

*Corollarium.*

**H**inc patet, scriptum esse, Petri successorem in Ecclesiæ Primatu esse Romanum Pontificem, legitimè electum: contrarium verò non esse scriptum.

CON-



DE  
INFALLIBILITATE  
PONTIFICIS.  
CATHOLICA DOCTRINA.

*S*ummus Pontifex, ut Pontifex, cum totam Ecclesiam docet, tam in his quæ ad fidem pertinent, quàm in præceptis morum, quæ toti Ecclesiæ præscribuntur, sive in rebus ad salutem necessariis, sive in iis, quæ per se bona aut mala sunt, nullo casu errare potest: ita ut infallibilitas, non in Concilio Episcoporum, nec in cætu Consiliariorum, sed in ipso Pontifice sit statuenda. Clamant A catholici.

UBI SCRIPTUM EST?

Rz, I. Luc: 22, 31, *Simon, Simon: ecce Satanas expetivit vos, ut cribraret sicut triticum: ego autem rogavi pro te, ut non deficiat fides tua: Et tu aliquando conversus confirma fratres tuos.* His verbis intelligitur Christus duo pro Petro petiisse: primum ut ipse quantumvis à Diabolo tentetur, non possit unquam veram Fidem amittere. Sic illa, *ut non deficiat fides tua*, explicant August: l: de Corrept: & Grat: cap: 8.  
Chrysoft

Chrysoſt: hom: 83. in Matth: Theophyl: hîc. Secundum, ut ipſe tanquam Pontifex non poſſit unquam docere aliquid contra fidem; nec in ſede ejus unquam inveniatur, qui cōtra veram fidem doceat. Sic illa, *confirma fratres tuos*, explicant Theophyl: hîc, Leo ſerm: 3, de Aſſumpt: ſua ad Pontif: Nicolaus I. in Ep: ad Michaëlem Vide Bell: Tom 1. de Rom: Pont: l. 4. c. 2,

II, Matth: 16, 18, *Super hanc Petram edificabo Eccleſiam meam: & porta inferi non prævalebunt adverſus eam.* Ex hoc, quod Chriſtus promittat, portas Inferorum non prævalituras adverſus Eccleſiam: petræ ut fundamento inædificatam, probat Orig: hîc, etiam illam ſoliditatem & constantiam promiſſam eſſe Petræ, ut Eccleſiæ fundamento: nam inquit, *ſi prævaleant adverſus Petram, in qua fundata eſt Eccleſia, etiam prævalebunt adverſus Eccleſiam.* Nunquid tota domus corruat, necelle eſt, ſi fundamentum deſtruitur? Ita etiam ſentiunt Chryſ: Cyrill: Theodoretus, Hier: Auguſt: Greg. & alii, Vide



Vide Bell: loc: cit: Et iisdem verbis idem probari de Petri successoribus clarum est, quia illi æquè sunt petra & fundamentum Ecclesiæ ac Petrus, uti priore Cont: dictum est.

III, Joán: 21, 17. *Pasce oves meas.* His verbis Pontifex constituitur Pastor & Doctor Ecclesiæ, quem ipsa teneatur audire & sequi: ergo ex eo debet Pontifex non posse errare, alioquin & Ecclesia poterit errare, quod est contra Christi promissionem Matth: 16, 18. Nec juvat dicere, teneri Ecclesiam ipsum audire, & sequi, quando rectè docet, non verò quando errat: nā quis judicabit, num erret, nec ne? non ipsi fideles, quia Oves non judicant Pastorem: non Concilium, quia istud, nisi à Pontifice approbatū, ipsum non est infallibile, ut contr: seq: videbitur.

#### ACATHOLICA DOCTRINA.

**P**ontifex ut Pontifex, sive cum Concilio Episcoporum, sive cum cætu Consiliari-  
orum, potest & in fide errare, & contra  
fidem docere. Sed.

## UBI SCRIPTUM EST?

( NULLIBI )

Obiiciunt tamen ex primo loco Catholicæ Doctrinæ. I. Quando Christus promisit Petro, non defecturam ejus fidem, nondum erat Romana Ecclesia, nec Dominus sedis Romanæ meminit. Ergo Petro id non promisit ut Pontifici, sed ut privato, CONTRA, Licet Petrus tum nondum fuerit verbis declaratus, erat tamen in Christi mente designatus.

II. Si quod Petro fuit dictum, etiam dictum est successoribus; ergo etiam omnes successores debebunt prius Christum negare, & rursum converti, quàm fiant Pontifices. CONTRA. I. Illud *conversus* non est intelligendum de Petri conversione à peccato negationis, sed de tentatione aliorum in Ecclesia, ad quos debeat ille & alii ejus successores converti, ut confirmant. II. Successoribus in Petro dictum est, quod Petro ut Pontifici futuro erat dictum: converti autem à negatione ( siquidem ita libeat explicare.) non est dictum Petro



Petro ut Pontifici, sed ut privatæ personæ.

III Multi Canones docent Pontificem non posse judicari, nisi inveniat a fide devius: ergo prævisum est eum posse a fide deviare. CONTRA. Canones loquuntur de Pontificis errore personali, non judiciali.

IV. Si Pontifex ut Pontifex etiam solus est infallibilis, ergo frustra sunt Concilia. CONTRA. Licet sit infallibilis, tamen media humana debet adhibere, ut cautè procedat: quomodo autem cautius procedet, quàm si plures particulares Ecclesias audiat?

In aliis objectionibus, ubi errores Pontificum producant, videndum est, an Pontifex ut Pontifex id docuerit. Vide Bell: loc, cit:

*Corollarium.*

ERgo scriptum est Pontificem esse infallibilem, & non scriptum est, eum esse fallibilem.

C

CON-

CONTROVERSIA XI.  
DE  
AUCTORITATE CONCILIO-  
RUM IN ECCLESIA.  
CATHOLICA DOCTRINA.

*Concilia Generalia legitima, & à summo Pontifice confirmata, nec in fide, nec in moribus errare possunt. Sed quæ-  
runt Acatholici.*

UBI SCRIPTUM EST?

R. I. Matth. 18. 20. *Ubi sunt duo, vel tres congregati in nomine meo, ibi sum in medio eorum.* Christum verò hîc de plurium congregatione, arguendo à minori ad majus, loqui, ostendit versus 17. *dic Ecclesiæ: si autem Ecclesiam non audierit, sit tibi sicut Ethnicus & Publicanus: amen dico vobis, quæcunque alligaveritis &c.* Sic explicat Conc: Chalcedonense act: 3. in Ep: ad Leon: Sexta Syn: act: 17. & Conc: Toletanum III. Si autem Christus est in medio eorum, qui Ecclesiam repræsentant, quomodo possunt errare?

II. Joan: 16. 13. *Spiritus veritatis*  
(quem aitc. 14. 16. *dabit vobis, ut maneat*



*De Auctoritate Conciliorum in Eccl: 44.  
in aeternum) docebit vos (nō  
solum Apostolos, sed etiam Episco-  
pos) omnem veritatem. Non autē docet  
seorsim singulos: ergo congregatos.*

III. Actor: 15. 28. Primum Con-  
cilium Hierosolymitanum, inquiens:  
*Visum est Spiritui S. & nobis, non po-  
test erroris argui, nisi & Spiritus S.  
possit errare. Ergo nec reliqua, qui-  
bus Spiritus S. æquē ac huic assistit,  
uti modò ostensū est, errare possunt.*

IV. Iisdem locis, quibus Contr. 5.  
& 6. ostensum est, Ecclesiam nec defi-  
cere, nec errare posse, Vide ibi.

V. Luc. 10. 16. *Qui vos, Apostolos  
& vestros successores Episcopos, au-  
dit, me audit. Si à DEO jubemur eos  
ut Magistros nostros audire; ergo de-  
bent posse non errare: maximē in no-  
mine Christi congregati.*

### ACATHOLICA DOCTRINA.

*N*ullam Concilium, licet à summo Pon-  
tificē confirmatum, est, quod errare non  
possit. Sed.

### UBI SCRIPTUM EST?

R. I. Isa: 56. 10. *Speculatores ejus  
caci omnes, nescierunt universi, videntes*

*vana, amantes somnia. Ipsi pastores ignoraverant. Jer: 6. 13. A Propheta usque ad Sacerdotem cuncti faciunt dolum. Os. 9. 8. Propheta laqueus ruina factus est &c. An non hic errores significantur?*

**CONTRA.** I. Præterquam quòd loquantur per synecdochen (quis enim credat omnes Veteris Testamenti Prophetas tales fuisse?) non loquuntur de Prophetis in unū congregatis, sed privatim loquentibus. II. Sacerdotes Veteris Testamenti non habuere illam à DEO infallibilitatis promissionem, sicut Ecclesia Matth: 16. 18, Vide Bell: hinc c. 8 & sup: **CONTR:** 5. & 6.

II Jer: 14. 14. *Falsò Propheta vaticinantur in nomine meo.* **CONTRA,** Scilicet Pseudoprophetæ, de quibus mox addit: *non misi eos, & non præcepi eis, neque locutus sum ad eos.* Quales non sunt Episcopi in Conciliis legitimè congregati.

III. Act. 20. 29. *Ego scio quoniam intrabunt post discessionem meam lupi rapaces in vos, non parentes Gregi. Et ex vobis ipsi exurgent viri loquentes perversa, ut*  
ab-



abducant discipulos post se. Matth: 24. 11.  
 Multi Pseudeprophetae surgent, & seducunt  
 multos. CONTRA. Nunquid hæc ap-  
 ptiſſimè quadrant ipsis Hæreticis? sic  
 sentit Amb. l. 7. in c. 10. Luc: S. Cle-  
 mens l. 8. Const: c. 18. & vivente ad-  
 huc Paulo Hymæneus, Alexander &  
 alii surrexerunt 1. Tim: 1. 20.

Corollarium.

Quid videtur? nunquid scriptum est,  
 Concilia Generalia legitimè con-  
 gregata, à S. Pontifice confirmata,  
 non posse errare; & non scriptum est,  
 posse errare?

## CONTROVERSIA XII.

DE

## CLERICATU IN ECCLESIA

CATHOLICA DOCTRINA.

IN Ecclesia Clerici sunt, quibus Cultus  
 divinus & functiones Ecclesiæ deman-  
 dantur; & Laici, plebei & populares, qui-  
 bus nullum Ecclesiæ ministerium commit-  
 titur. Quærent Acatholici,

UBI SCRIPTUM EST?

R. I. Num: 18. 20 & Deut: 18. 2.  
 Dicitur Dōing esse pars & Hæreditas Sacer-

C3

dotum

*dotum & Levitarum; eò quòd illis noluerit dari partem in sortitione terræ, sicut reliquo populo: sed iis donavit partem suam 1. decimas & oblationes Filiorum Israël. Unde dicuntur de sorte Domini, aut Clerici ex Græco, quod sortem sive hæreditatem significat. Ita Hier, in Epist. ad Nepot. Sicut autem in Veteri Testamento erant Sacerdotes & Levitæ in reliquis distincti, ita & in Ecclesia Clerici sunt distincti à populo, qui ex Græco dicuntur Laici.*

*II. Jer. 12. 13. Hereditatem acceperunt: & non eis proderit. Vel, juxta septuaginta ex Græco; Sortes eorum non proderunt eis. Ex quo loco juxta Orig. hom. 7. in Jer. Epiphani. Ep, ad Joann. Epis, Hieros, Hier, in comm. & Epis. ad Nepot. Episcopi, Presbyteri, & alii Ecclesiastici Ordinis Clerici nominantur. Vide Bell. Tom 2. de Clericis l. I. c. I.*

### ACATHOLICA DOCTRINA.

*IN Ecclesia licet aliqui sint Ecclesiastico Ministerio destinati, aliqui non? non tamen, alii Clerici, alii Laici dicendi. Quæ-runt Catholici.* UBI



## UBI SCRIPTUM EST;

R. I. Ad Gal: 3. 28. *Non est Iudeus, neque Græcus: non est servus; neque liber, non est masculus neque femina: omnes enim vos unum estis in Christo JESU.* Ex hoc, ajunt, populum Christianum debere unum & simplicem esse, sine differentia personarum. CONTRA I. Apostolus iis verbis solum vult, ista non facere filios DEI, sed Fidem cū Spe & Charitate; quod idem nos de Clericatu dicimus. II. Corporis unitas & simplicitas non excludit diversitatem membrorum, juxta, I. Cor. 12. 20. *Multa quidem membra, unum autem corpus.*

II. I. Petr. 5. 2. *Pascite, qui in vobis est, gregem Dei &c. neque dominantes in Cleris; sed forma facti gregis ex animo.* Hic à Petro tota Ecclesia Clerus vocatur. CONTRA. Ubi est scriptum, per Clerum totam Ecclesiam intelligi? S. Hier: Ep: ad Nepot. & Oecum, in hanc Epis. per Clerum intelligunt Ordinem Ecclesiasticum.

*Corollarium.*

Q Uis porro neget, scriptum esse, in

Ecclesia esse Clericos; è contra non scriptum esse, non debere in Ecclesia Clericos esse.

## CONTROVERSIA XIII.

D E

VOCATIONE MINISTRORŪ  
CATHOLICA DOCTRINA.

*Vocatio seu Missio Episcoporum, & aliorum Ministrorum, quā Jurisdicctio confertur, quæ planè necessaria est, non pertinet ad populum; sed immediatè ad Episcopos & summum Pontificem, mediatè ad DEUM, loquendo de modo ordinario. A catholici quærunt:*

## UBI SCRIPTUM EST?

I. Matth. 16. 19. *Tibi dabo claves. Et Joan. 21. 17. Pascere oves meas.* His Petro, non populo dictis, commisit Christus Ecclesiam regendam & pascendam: ergo etiam jus vocandi & mittendi, per quos mediatè regat & pascat, quando ipse solus eam immediatè non posset. Vide Bell. Tom. 2. contr. 2. l. 1. c. 4.

II. Act. 14. 22. *Cum constituisset Paulus & Barnabas illis per singulas Eccle-*



clesias presbyteros &c. Hi autem non erant Laici; sed Episcopi. Vide Cornel. à Lap. hñc.

III. Ad Tit. 1. 5. *Hujus rei gratia reliqui te Cretæ, ut constituas per civitates presbyteros. I. Episcopos & Sacerdotes,* inquit Paulus ad Titum, quem ipse prius constituerat Episcopum: sic explicat Leo I. Ep. 87. ad Episc. Africæ c. 2. & Concil. Sardicense Can. 6.

IV. Hebr. 5. 4. *Nec quisquam sibi sibi honorem, sed qui vocatur à DEO sicut Aaron,* Ergo qui vel seipsum intrudît, vel mittitur, aut vocatur à Laicis, non censendus est legitimus Ecclesiæ Minister.

### ACATHOLICA DOCTRINA

*Vocatio seu Missio vel ad solum DEUM ut Wicleff & Hafs volunt, vel ad totam Ecclesiam. I. Clerum & populum Laicum, ut Luthero & Calvino placet, spectat. Sed.*

### UBI SCRIPTUM EST?

R. I. Joan. 20. 21. *Sicut misit me Pater, & ego mitto vos,* ait Christus, ergo ad eum solum spectat vocare & mittere Ecclesiæ ministros. CONTRA. De Apostolis verum est, nec initio

aliter fieri decuit; non verò de aliis Episcopis: nam Timotheum & Titum non misit DEUS immediatè, sed Paulus.

II. Actor. 20. 28. *Attendite gregi. in quo vos Spiritus S. posuit Episcopos regere Ecclesiam Dei.* CONTRA. Spiritus S. immediatè posuit, sed Apostoli immediatè.

III. Ephes: 4. 11. *Et ipse Christus dedit quosdam quidem Apostolos &c. alios Pastores & Doctores.* Episcopos. CONTRA. Designatio munitorum talium in Ecclesia est à Christo immediatè; non verò personarum ad talia munia vocatio & missio, nisi initio Ecclesiæ, dum ipse in terris vixit.

IV. Rom: 12. 1. *Non est potestas nisi à DEO.* CONTRA. Immediatè vel immediatè.

V. Actor 6. 5. *Placuit sermo coram omni multitudine fidelium, & elegerunt Stephanum &c.* CONTRA. Hoc uti & alia exempla, ubi populus cum Clero concurrebat in constituendis Episcopis & Presbyteris, probant de electione, quàm tantum persona designabatur, non verò de Vocatione & Missione, qua Jurisdictio & potestas  
ad



ad Ecclesiæ munia obeunda conceditur. Vide Cornel. à Lap. hîc.

VI Matth. 16. 19. *Tibi dabo claves.*  
& Matth. 18. 18. *Quæcunque alligaveritis*  
*&c.* dicta sunt toti Ecclesiæ; ergo  
& populo Laico. CONTRA. Ubi  
hoc scriptum est in Scriptura? Vide  
sup. Contra. 8.

*Corollarium.*

**E**CCE! scriptum est, Vocationem &  
Missionem Ministrorum Ecclesiæ  
non ad populum pertinere: non verò  
scriptum est, ad populum pertinere.

CONTROVERSIA XIV,

DE ORDINATIONE MINI-  
STRORUM.

CATHOLICA DOCTRINA.

**O**rdinatio tum Episcoporum tum aliorum,  
non ad Laicos, sed ad solos Episcopos  
pertinet. Quærent Acatholici:

UBI SCRIPTUM EST?

R. I. Lev. 8. Moyles Aaronem à  
DEO electum & vocatum ordinavit,  
& consecravît in summum Pontifi-  
cem, & Filios ejus in Sacerdotes.  
Moyles autem non erat Laicus sed Sa-  
cerdos, ut testatur David Psalm. 98

6. *Moyſes & Aaron Sacerdotibus ejus: & cum eo Hier Aug. Nazian, Nyſſ. Vi- de Bell. Tom. 2. Cont: 2, l. 1. c. 3.*

II. 1. Tim. 4. 14. *Noli negligere gra- tiam, quæ in te eſt, quæ data eſt tibi per prophetiam cum impositione manuum pres- byterii. l. Episcoporum.* Sic explicat Chryſ: Theodoretus, Oecum. The- ophyl. apud Bell. Neque in Veteri Testamento, nec in Novo, nec in Ecclesia unquam legitur quispian à Laicis ordinatus.

#### ACATHOLICA DOCTRINA.

**T**otus catus tum Laicorum, tum Cleri- corum conjunctim potestatem habet or- dinandi Ministros, & licet soli Pastores vi- tanda confuſionis cauſa manus imponant, tamen nomine populi faciunt, ut is dica- tur non ſolum eligere & vocare, ſed etiam ordinare, ad quod populus Juſ habet. Sed

UBI SCRIPTUM EST?

( NULLIBI )

Niſi fortè Exemplum Michæ Jud. 17. 5. velint allegare, qui ſculptile & conflatile ſibi fecerat in domo ſua, ædiculam quoque in ea huic DEO ſuo ſeparavit, & fecit ephod & the- raphim



raphim & vestem Sacerdotalem, & unum filiorum suorum consecravit in Sacerdotem. Sed qualis Michas Pontifex; talis ejus filius Sacerdos. Errorem ipse Michas agnovit: hinc ubi postmodum nactus est Adolescentem Levitem de Bethlehem, mercede eum conduxit, ut esset in domo sua Sacerdos, dicens: *nunc scio, quod benefaciet mihi DEUS habendi Levitici generis Sacerdotem.* Ex quo perspicuum est, ipsum Micham judicasse, filium suum nihil esse minus quam Sacerdotem, licet ipse manus ejus implevisset, & veste Sacerdotali induisset.

*Corollarium.*

**P**ER se patet. Ex hoc tamen est colligere, qualis sit A catholicorum Ecclesia, qualia habeant Sacramenta, qualis cultus divinus, cum non habeant Ministros Ecclesiae rite ordinatos, nec Sacerdotes, nisi à Catholicis profugos.

CONTROVERSIA XV

DE CÆLIBATU IN ECCLESIA.

CATHOLICA DOCTRINA.

**N**on Jure divino, sed positivo Apostolico est Celibatus Sacris Ordinibus in Ecclesia

*clesia Latina annexus. l. ut post sacros Ordines susceptos, non ducant uxores; vel, si ante habuerunt, quasq; thorum separentur Acatholici quærunt:*

### UBI SCRIPTUM EST?

Rz. I. Ad Tit. 1. 8. *Oportet Episcopum esse &c. sobrium, justum, sanctum, continentem. l. à libidine & Uxoris amplexu abstinentē. Sic explicat Hier.*

II. 2. Tim. 2. 4. *Nemo militans Deo, in Ecclesiæ Ministeriis, juxta Chryl. & Amb. implicat se negotiis secularibus; inter quæ Tertull. in exhort. ad Cast. numerat Conjugium, quod apud Gētiles etiam militibus vetitum erat, ut expeditiores essent.*

Cum sit sanctio Apostolica, alia ex Scriptura peti non possunt.

### ACATHOLICA DOCTRINA.

*Non solum ante, sed etiam post susceptos sacros Ordines, licet Uxorē ducere, ne fornicandi periculo Ecclesiæ Minister exponatur. Sed*

### UBI SCRIPTUM EST?

Rz. I. 1. Tim. 4. 3. *Prohibentes nubere vocantur Hæretici: ergo Ecclesia non potest Ecclesiæ Ministris prohibere-*



hibere. CONTRA. Apostolica Cōstitutio non prohibet absolutè in Ecclesia nuptias, sed Cœlibatum tanquam conditionem in Ordinandis requirit; nec tamen vel ad sacros Ordines, vel ad Cœlibatum cogit.

II. 1. Tim. 3. 2. & Tit. 1. 6. Inter reliquas boni Episcopi dotes ponit Conjugium: ut *sit unus Uxoris Vir*. CONTRA. Non præcipit hoc Paulus, nec in Episcopo requirit; ipse enim contrarium fecit, qui de se dicit, 1. Cor. 7. 8. *Dico non nuptis & Viduis, bonum est illis, si sic maneant, sicut & ego*. Et quotquot hucusque in Latina Ecclesia sanctissimi fuerunt Episcopi, continentes fuerunt. Hoc textu autem Apostolus exigit Episcopum non esse bigamum. Ita Epiph. Theophyl. Hieron. Leo & alii apud Cornel. à Lap. hinc.

III. Ibid. v. 11. *Mulieres t' ministrorum Ecclesiæ; sint pudicæ*. ergo vult Apostolus eos habere uxores. CONTRA. Loquitur de eorū Uxoribus, quas ante Ordinationem duxerant; à quibus tamen postmodum se continebant; & vult non facillè conjug-

jugatū ordinandū, quin moraliter de  
concordantia etiam Conjugis constet.

IV. 1. Cor. 9. 5. *Nunquid non habemus potestatem mulierem sororem 1 Uxorem, circumducendi, sicut & ceteri Apostoli &c* CONTRA. Non loquitur de Uxoribus aliorum Apostolorum, sed piis fæminis, quæ Apostolis de facultatibus suis ministrabant: sicut & Christum hoc fine aliquæ sequebantur Luc. 8. 3. Ita explicat Chrysost. Theodor. Oecum. Theophyl. Amb. Haymo, Tertull, Hieron, Aug. Vide Bell. Tom. 2. contr: 2. l. 1. c. 20. Dicuntur autem *sorores mulieres*, sicut Act. 1. 16. dicebantur *Viri fratres*.

V. 1. Cor. 7. 2. *Propter fornicationem unusquisque uxore suam habeat: quod periculum cum etiam sit in Ecclesiæ ministris, videtur & illis Apostolus præcipere.* CONTRA: I. Loquitur de Conjugatis Laicis; qui uxores in paganismo ductas volebant dimittere, II. non præcipit, sed suadet: & contrarium sæpè eodem capite dicit. Nō tamē hæc suasio ad Ecclesiæ Ministros pertinet, quibus liberū erat cultui divino se mancipare, vel non. Corol-



**N**Unquid ergo non scriptum est, Ecclesiae Ministros debere esse uxoratos?

CONTROVERSIA XVI.

DE CONSILIISEVANGELICIS  
CATHOLICA DOCTRINA.

*Voluntaria Continentia, Obedientia & Paupertas, in quibus perfectio Religiosa consistit, non praecepta sunt; sed consilia DEO grata. Quæruni Acatholici.*

UBI SCRIPTUM EST?

*I. de continentia.*

**R. I.** Is 56. 4. *Hec dixit Dominus Eunuchis: qui custodierint sabbatha mea & elegerint, quæ ego volui, & tenuerint fœdus meum, dabo eis in domo mea locum, & nomen melius à filiis & filiabus. De continentibus voluntariis, ob verbum elegerint explicant Hier. Cyr. Aug. Bas. Ambros. Gregor. Vide Bell. Tō.*  
**2.** Cont. 2. l. 2. c. 9.

**II.** Matth. 13. 23. *Qui in terram bonam seminatus est, fructum affert; & facit aliud (continentia virginalis) centesimum, aliud (viduitas) sexagesimum, aliud*

*aliud (conjugium) trigimum.* Sic exponunt Cypr. Hier: Aug. & alii, & virginitatem ut DEO gratiorem aliis præferunt, utpote cui majus meritum responderet.

III. Matth. 19. 10. Dicentibus Discipulis: *non expedit nubere*, ait: *non omnes capiunt verbum hoc.* Et sunt *Evangelici*, qui seipsum castraverunt propter regnum celorum: qui potest capere capiat. Ex hoc probat August. esse consilium, non præceptum.

IV. 1. Cor. 7. 25. *De Virginibus præceptum Domini non habeo: consilium autem do.* Et v. 16. *Quod vult faciat: non peccat, si nubat.* Si liberum, ergo non est præceptum.

#### II de Obedientia.

I. Matth. 19. 21. *Si vis (non cogeris) perfectus esse Ecce veni sequere me.* Obediendo. Sic ipse Christus explicat Matth. 16, 24, Qui vult venire post me, abneget semetipsum, renunciando suo iudicio, & submittendo se iudicio alterius; sicut ego, qui fui obediens usque ad mortem Philip. 2, 8, loquitur enim de sequela in moralibus.



II. Jer. 35, 18, Laudat DEUS Rechabitas, quòd obediverint in iis, ad quæ præcepto divino non tenebantur, Patri suo Jonadab præcipienti, ne biberent vinum in sempiternum, domum non ædificarent, lementem non fererent &c. & remunerat ut rem sibi gratam. Vide Bellz Tom. 2. l. 2. c. 9. Per hos intelligi Religiosos, vide Cornel. à Lap. hñc.

*III. De Paupertate.*

I. Matthi 23, 19, Si vis (non præcipio) perfectus esse, vade, vende omnia, quæ habes & da pauperibus, & habebis thesaurum in celo. Ecce præmium! Cur ergo non sit DEO paupertas grata? Ita Hier, Aug, Hil, Chryl, & alii apud Cornel, à Lap, hñc.

II. Matth, 19, 29. Dicenti Petro? Ecce nos reliquimus omnia, & secuti sumus te, quid ergo erit nobis? Respondet Christus: Omnis qui reliquerit domum, vel fratres, aut sorores, aut Patrem, aut Matrem, aut Uxorem, aut Filios, aut agros propter nomen meum: centuplum accipiet, & vitam æternam possidebit. Hæc de consilio, non de præcepto explicant SS. PP. apud

Cor-

Cornel. à Lap. hîc. Et præmium probat, placere DEO.

ACATHOLICA DOCTRINA

**H**æc tria, quæ vocant Consilia Evangelica Catholici, & opera super erogationis, mera sunt, impietas & superstitio: unde nec per se meritória sunt. nec Deo placent, nec à Deo suadentur, sed prohibentur. Sed.

UBI SCRIPTUM EST?

R. I. Deut. 6, 5, Matth. 22. 37, Marc. 12, 30, Luc. 10. 37. præcipitur à Deo omnibus, *Diligent Dominum DEUM ex toto corde, ex tota anima, ex tota fortitudine, ex tota mente, ex tota virtute, ex omnibus viribus.* Nihil hîc reliquum est homini, quod liberè supererogare possit, cum debeat omnia. CONTRA. Præcipitur sic *toto corde DEUS* diligi, ut non dividamus cor, simul aliud, quod DEO adversatur, cum DEO diligendo, quale est peccatum, vel quod inducit in peccatū, quod impletur, si ab illicitis abstinemus. An non autem supererogari quid potest, etiam amore DEI à licitis abstinendo? Sic apud Cornel. à Lap. hîc explicat Victor Antioch. Vide Bell. Tom. 2. hîc c. 13. II.



II. Luc 17, 10. *Cum feceritis omnia quæ præcepta sunt vobis, dicite, servi inutiles sumus; quæ debuimus facere, fecimus.* Si inutiles, ergo nihil ampliùs possunt facere, quod gratum sit. CONTRA. I. His potiùs consulit, ut impletis præceptis non acquiescamus; sed ad opera etiam supererogationis assurgamus. II. Non dicit eos esse inutiles; sed vanæ gloriæ vitandæ causâ suggerit, ut inutiles se potiùs reputet, quàm de impletis præceptis vanè se extollant. Sic apud Corn. à Lap. hinc Bern. Amb. Chryl. & alii.

III. Deut. 4, 2. *Non addetis ad verbum, quod vobis loquor. Et 12, 32. Quod præcipio, hoc tantùm facito Domino, nec addas.* Ergo superaddere præceptis Consilia, est impiùm. CONTRA. I. Prohibemur ad præcepta addere, quod ea corrumpit, uti Cont. 1, in Doct. Acath. R. I dictum: Consilia autem perficiunt, non corrumpunt. Quis enim neget, licere aliquid alteri donare, eò quod præceptum sit non furari? II. Christus addidit consilia, non homines: quis autem prohibeat Legislatoro-

latori ad leges suas aliquid svadere amplius, quam quod legibus est præceptū? Vide Bell, Tō. 1. Cōt, 3, l, 4, c. 17.

IV. Ad Philip, 4, 8, *De cætero, fratres, quæcunque sunt vera, quæcunque iusta, quæcunque sancta, hæc cogitate.* Nihil est, quod huic Apostoli præcepto possit superaddi. CONTRA. Apostolus hic præcepit, ne contraria .i. falsa, impudica, impia &c. cogitemus; alioquin, ut quæcunque vera positivè cogitemus, debemus & totā scripturam & totam Philosophiam, & Mathematicorum demōstrationes cogitare. Sic apud Cornel: à Lap, hic explicat Theophyl. Chrysi. Amb. & alii.

V. 1, Tim, 5, 14. *Volo Juniores nubere, filios procreare, nullam occasionem dare Adversario maledicti gratiā.* CONTRA. Non absolutè præcipit, sed svadet, si continere non possint; & illò tendit quod dicit, 1. Cor. 7, 9, *Melius est nubere quàm uri.*

*Corollarium.*

**Q**uidni scriptum est, Hæc tria, Consilia esse, non præcepta; DEO tamen grata: & non scriptum est, esse impia & DEO ingrata. *Con-*



## CONTROVERSTIA XVII.

## DE VOTIS

## CATHOLICA DOCTRINA.

**Q**Uaecunque bona opera fiunt ex voto, etiam si alias non sunt praecepta à DEO, sunt verè DEI cultus, & Deo grata. At UBI SCRIPTUM EST?

**R.** I. Gen: 28, 20, Jacob vovit votum, dicens: Si fuerit DEUS mecum, & custodierit me in via &c. erit mihi Dominus in DEUM, & lapis iste, quem erexit in titulum, vocabitur Domus DEI, cunctorumque decimas offeram tibi. Hoc votum non fuisse de re praecepta, patet; quia erat conditionatum.

**II.** Plal. 131. 2, David Votum vovit DEO Jacob, si introiero in tabernaculum domus meae &c. donec inveniam locum Domino, pro templo exstruendo. Non fuisse de re praecepta pater 2. Reg. 7. 7. & tamen Deo gratum Votum, ostendit v. 16. ubi Davidi propterea Dominus promittit stabilitatem throni.

**III.** Vota de quibus Lev. 27, Num: 6. & 30, Deut. 12, & 23. non erant de rebus praeceptis, & tamen grata fuit.

fuisse DEO, patet, Deut, 23. 21. ubi eorum solutionē severissimē urgebat DEUS, inquiens: Cum Votum voveris Domino DEO tuo, non tarderis reddere, quia requireret illud Dominus DEUS tuus, & si moratus fueris, reputabitur tibi in peccatum. Si nolueris polliceri, absque peccato eris; quia non est præceptum.

IV. Ita: 19, 21. Colent eum in hostiis & in muneribus, & vota vovebant Domino & solvent. Hæc de votis Christianorum explicat Hier: & Cyr: Vide Bell, Tom: 2, Conc: 2, l, 2, c, 17.

V. 1. Tim: 5, 11, Cum luxuriata fuerint in Christo, nubere volunt, habentes damnationem, quia primam fidem irritam fecerunt. Voverunt continentiam & non reddiderunt, ait Aug: in Ps: 75, & alii plures apud Cornel. à Lap: hîc. Ergo & apud Christianos vota erāt usitata.

#### ACATHOLICA DOCTRINA.

Vota quæcunque, nisi fiant de rebus à DEO præceptis, impia sunt, & nihil ad DEI cultum faciunt. Sed

#### UBI SCRIPTUM EST?

R. I. Ps. 53. 8. Voluntariè sacrificabo tibi



*tibi* Ergo non ex voto, quod necessitatem imponit. CONTRA. Ex Voto non ita necessitatur homo, ut non possit non facere, si velit peccare: sed sicut voluntariè vovit, ita voluntariè votum implet.

II. 1. Cor. 7. 35. *Non ut laqueum vobis injiciam* .l. ad Continentiam quidem hortor, sed non ad Votum, quod velut laqueus cogit, CONTRA. Si quis temerè vel invitus voveat, potest Votum laqueus dici, non autem si liberè & voluntariè voveat.

III. 2. Cor. 9. 7. *Unusquisque prout destinavit in corde suo, non ex tristitia, aut ex necessitate: hilarem enim datorem diligit DEUS.* CONTRA, Loquitur de necessitate, quam pudor vel respectus humanus in faciendis bonis operibus, non autem de ea, quam Charitas, ex qua vota fiunt, inducit. Sic Patres apud Corn: hñc.

IV. Ad Philē: v. 14, *Ne velut ex necessitate bonum tuum esset, sed voluntarium.* CONTRA. Idem est sensus hujus, qui prioris.

V. Eccl: 5, 3, *Displicet DEO infidelis*

& stulta promissio; qualis est Continen-  
tiæ, quam nemo potest servare, nisi  
ex speciali dono DEI, Sap: 8: 21,  
*Scivi quoniam aliter non possem esse conti-  
nens, nisi DEUS det.* CONTRA. Con-  
tinentia dicitur quidem donum DEI,  
sed requirens hominis cooperatio-  
nem; quia licet sine gratia DEI ser-  
vari non possit; potest tamen cum ea  
(quam sufficientem nulli unquam ne-  
gat) servari; & à plurimis servatur.  
Quare votum illius non est stulta  
promissio. Aliud est, si quis voveret  
esse Propheta &c. esset stulta promif-  
sio, quia donum Prophetiæ est DEI  
donum sine hominis cooperatione.

*Corollarium.*

**H**inc nemo non videt scriptum esse,  
Vota de rebus etiam non præce-  
ptis esse DEI cultum & DEO grata;  
contrarium autem non esse scriptum.

CONTROVERSIA XVIII.  
DE OBSERVATIONE  
LEGIS DIVINÆ  
CATHOLICA DOCTRINA.

[Ex Divina à justis hominibus absolute  
potest



potest observari, non quidem per solas vires liberi arbitrii, sed per auxilium gratia DEI, & spiritum fidei, & Charitatis in ipsa justificatione infusum Quærent Acatolici:

### UBI SCRIPTUM EST?

R. I. Matth: 28, 19, *Euntes ergo, ait Christus, docete omnes gentes &c. v. 20. Docete eos servare omnia, quaecunque mandavi vobis. Cur autem mittat, qui servare doceant, si servari, non possunt?*

II. Matth: 11, 30, *Jugum meum suave est, & onus meum leve. Et 1, Joan: 5, 3, Et mandata ejus gravia non sunt. Hic usum est Concilium Trid: Sess: 6, cap: 11, ut ostendat mandata DEI non solum possibilia; sed & facilia esse. Neque vocatur suave jugum, quia renatis non imputatur prævaricatio legis, ut ait Calvinus; quia non imputatio peccati nō auferret à lege vel levitatē vel gravitatē, quā in se habet.*

III. Joan. 14. 15. *Si diligitis me, mandata mea servate. v. 21. Qui habet mandata mea & servat ea, ille est qui diligit me. v. 23. Si quis diligit me, sermonem meum servabit. Rom: 13. 8. Qui diligit pro-*

ximum, legem implevit. Gall: 5. 14. Omnis lex in uno sermone impletur: diligere proximum tuum sicut te ipsum. Quis autem neget, posse nos & Deum & proximum diligere, quando in hoc cognoscemur Christi esse discipuli? Joan: 13. 35. Aut putari prudenter potest Deus signum amoris erga se à nobis exigere, quod sit impossibile?

IV. 3. Reg: 14. 8. Non fuisti sicut servus meus David, qui custodivit mandata mea, & secutus est me in toto corde suo, faciens quod placitum esset in conspectu meo. Eccl. 15. 5. Eò quòd fecisset David rectum in oculis Domini, & non declinasset ab omnibus, quæ praeceperat ei cunctis diebus vitae suæ, excepto sermone Uriæ. Luc. 1. 6. Zacharias & Elisabeth erant iusti ambulant ante DEUM incedentes in omnibus mandatis & justificationibus Domini sine querela. Joan: 17. 6, dicit Christus de discipulis suis: Tui erant: & mihi eos dedisti, & sermonem tuum servaverunt. Quod hi fecerunt, quidni & alii omnes cum eadem divina gratia possint?

#### ACATHOLICA DOCTRINA.

**L**ex divina plenè est impossibilis homini,  
ut



ut etiam iustus eam servare non possit, Æ-  
 què nobis impossibilia sunt omnia præcepta,  
 atque illud: Non concupisces, ait Luth, lib,  
 de libert, Christi, Sed Catholici quærunt:  
**UBI SCRIPTUM EST?**

R. I. Act. 15. 10. *Quid tentatis DE-*  
*UM imponere jugum super cervices discipu-*  
*lorum (loquitur de renatis & fidelib9)*  
*quod neque Patres nostri, neque nos portare*  
*potuimus? Sed per gratiam Domini JESU*  
*Christi eventimus salvari, quemadmodum*  
*& illi. CONTRA, S. Petrus loquitur*  
*de lege ceremoniali Veteris Testamē-*  
*ti, quod ex contextu clarum est.*  
*cum enim quidam discipulorum pu-*  
*tarent totam legem Moyſis esse adhuc*  
*Gentilibus conversis servandam, ha-*  
*bitum est super ea re primum Con-*  
*cilium, in quo Petrus ista dixit.*

II. Gal. 3. 10. *Quicumque ex operibus*  
*legis sunt, sub maledicto sunt, Scriptum est*  
*cum maledictus omnis qui non permanserit*  
*in omnib9, que scripta sunt in libro legis. Ex*  
*hoc loco sic concluditur: Maledict9*  
*est, juxta Moyſen, qui non servat to-*  
*tam legem, nemo autem potest totā*  
*legem servare; ergo maledictus est,*

C3

qui

qui ex operibus legis est l. legi subditus, & tamen ejus observatione, utpote impossibili, justificari non potest, **CONTRA.** Apostoli sensus hic est: quicumque Evangelio Christi promulgato, adhuc sub legē Moysis est, sub maledicto est: quia, quod fidem & gratiam Christi, sine qua lex servari non potest, non habeat, legem divinam non potest servare; & consequenter erit à DEO maledictus, juxta illud Deut. 27. 26. Hinc tale argumentum est formandum; Maledictus est juxta Moysen omnis, qui non servat totam legem, sed nemo potest suis viribus sine fide & gratia Christi legem totam servare: ergo maledicti sunt, qui volunt legem servare & tamen extra fidem & gratiam Christi sunt. vide Bell: Tom. 3. de Justit. l. 4. c. 14.

III. Rom: 7. 18. *Velle servare legē adjacet mihi, perficere autem non inveniō.* **CONTRA.** Apostolus non loquitur de legis observatione, sed de actu concupiscendi, licet is citra consensum non sit peccatum: quem velit tamen  
non



non sentire, sed non possit perficere, ut non sentiat, & quandoque invitus & citra consensum cogatur sentire. Hinc optat hac etiam, innocua necessitate liberari, inquiens: v. 24. *Infelix homo, quis me liberabit de corpore mortis hujus.* Vidè Aug: Tr: 41. in Jo: 1, 6, in Julianum c. 21.

IV. Jac: 3, 2, *In multis offenderimus omnes,* Et 1, Joan: 1, 8, *Si dixerimus, quoniam peccatum non habemus, ipsi nos seducimus, & veritas in nobis non est.* Ergo legem nemo potest totam servare, ut non sit peccati alicujus reus. CONTRA. SS. Jacobus & Joannes loquuntur de Peccatis venialibus, quæ non sunt contra, sed præter legem. Aliqua imperfectio in observatione legis juxta S. Thomam 1, 2, v. 88. 1, Error est A catholicorum, qui putant, omnia peccata esse mortalia, nulla venialia, de quo mox.

*Corollarium.*

**P**ater scriptam esse, legem divinam posse observari cum DEI gratia, & non scriptum esse, non posse observari.

## PECCATIS ACTUALIBUS.

## CATHOLICA DOCTRINA.

**P**Eccatorum, ex natura sua alia sunt mortalia, & contra legem, quæ hominem amicitia DEI excludunt, & mortis æternæ reum constituunt: alia Venialia & præter legem, quæ non excludunt DEI amicitia, & tantum temporalis supplicii reum reddunt, Acatholici quærent:

## UBI SCRIPTUM EST?

**R.** I. Matth: 5, 22, Qui irascitur fratri suo, reus erit Iudicio, qui autem dixerit, Raca, reus erit concilio: qui autem dixerit, fatue, reus erit Gehennæ ignis. Quanta peccatorum diversitas, ubi alia gehennâ, alia iudicio tantum, aut concilio digna censentur! Nempe, qui irascitur solum interius, in iudicium vocari potest, & notatur culpa Venialis. Qui dicit Raca (vox est nihil significans, nisi animi commotionem) de eo consultari potest, quali pœna sit dignus: & notatur ambiguitas, an Venialis, an mortalis sit culpa. Qui dicit, fatue in convitiando, di-



dignus est gehennâ, & notatur Culpa mortalis. Sic August. l. 1. de serm. Dom: c. 9. Vide Bell: Tom: 3. de Amiff: gratiæ l. 1. c. 9 & Cor: à Lap: hîc.

II. Matth. 23. 24. *Duces cæci excolantes culicem, Camelum autem glutientes. Et Luc. 6. 41. Quid vides festucam in oculo fratris tui, trabem autem, quæ in oculo tuo est, non consideras?* His arguit Phariseorum peccata Dominus: dum autem alia culici & festuæ, alia Camelo & trabi comparat, quis non agnoscit, illa levia, hæc gravia censerî? Cur alioquin peccata illa rebus tam dissimilibus conferret?

III Luc: 12. 59. *Dico tibi, non exies inde: donec etiam novissimum minutum reddas.* Per minutum intelligunt Tertul. Orig: Hieron: Cyp: Ambros: Euf: apud Bell: loc: cit: peccata levissima, quæ tamē non impunita relinquētur.

#### ACATHOLICA DOCTRINA.]

*Peccata omnia sunt ex natura sua mortalia; sed ex sola DEI miseratione Venialia 1. quando DEUS, non imputando, peccatorum veniam indulget Verum.*

## UBI SCRIPTUM EST?

R. I. Deut: 27. 26. *Maledictus, qui non permanserit in sermonibus hujus legis.* Ezech: 18. 4. *Anima, quæ peccaverit, ipsa morietur.* Hic nulla fit distinctio peccatorum. CONTRA. Moyles & Ezechiel loquuntur de gravissimis peccatis, à quibus populum deterrent.

II. Rom, 6. 23. *Stipendium peccati Mors.* De omni peccato loquitur. CONTRA. Loquitur solum de eo, quod cum Justitia & gratia Dei non consistit, quale est mortale.

III. Jac: 2. 10. *Qui offendit in uno factus est omnium reus.* CONTRA. Loqui cum de peccatis, quæ sunt contra Legem & mortalibus contextus docet. Dicit autem fieri omnium reum, quia si contra unum præceptum peccavit, nihil ad mortem evitandam facit, reliqua omnia servasse, quia charitatem violavit.

IV. Matth: 5. 19. *Qui solverit unum de mandatis istis minimis, minimus vocabitur in regno celorum & planè excludetur, licet sit minimum peccatum* ergo inter Venialia & Mortalia nullum



lum est discrimen. CONTRA. Loquitur de Phariseis & Scribis, qui prava interpretatione minima mandata destruebant quod non erat minimū, sed maximum peccatum.

V. Joan. 13. 8. *Si non laverō te, à peccatis Venialibus juxta S. Aug: hīc non habebis partem mecum.* Ergo Venialia etiam separant à Deo & consequenter non differunt à mortalibus.

CONTRA, I. Christus minatur Petro ob inobedientiam, quod nollet obedire in lotionē pedum, separandū: illa verò erat grave peccatum. II. Venialia non simpliciter excludunt à Regno cœlorum sicut mortalia, sed ad tempus donec eluantur.

VI. Matth. 10. 42. *Quicumque potum dederit uni ex minimis istis, calicem aque frigida, non perdet mercedem.* Si minima opera bona merentur vitam æternā, ergo etiam minima peccata mortem æternam. CONTRA. I. Hīc non dicitur pro minimo opere dandum Cœlum; sed mercedem aliquam: sic nec sequitur pro minimo peccato dandam pœnam æternam. II. *Dare calicem a-*

*que frigida* ex amore DEI, non est minimum, sed valdè magnum opus; cui non potest opponi peccatum veniale. III. Operi minimo dare maximam mercedem, est ingens liberalitas, quæ non est arguenda: sed peccato minimò infligere maximam poenam, est injustitia & crudelitas. Vide Bell. Tom. 3, de amiss. Gra. l. i. c. 12.

*Corollarium.*

**A** Udi? scriptum est, esse peccata alia Mortalia, alia Venialia: non verò scriptum est, omnia esse mortalia.

## CONTROVERSI A XX.

### DE LIBERO ARBITRIO. CATHOLICA DOCTRINA.

**I** N homine etiam post Adami lapsum est liberum arbitrium: i. libera potestas ex mediis unum præ alio eligendi; aut unum acceptandi vel respuendi, tam in actionibus liberis, quàm in moralibus, & ad salutem pertinentibus: pro executione tamen egere auxilio gratiæ divinæ. Acatholici quærit:

#### UBI SCRIPTUM EST?

**R.** Pluribus in locis, si non his ipsis vocibus quoad sonum, certè clarissima peri-



periphrasi, ut nullius egeant explanationis.

I. Quoad liberam electionem hominis. Gen. 4. 7. *Sub te erit appetitus tuus: & tu dominaberis illius.* Num: 30. 14. *In arbitrio viri erit, ut faciat, sive non faciat.* Deut 30. 19. *Testes invoco Cælum & terram, quod proposuerim vobis vitam & mortem: elige ergo vitam &c.* Jos: 24. 14. *Optio vobis datur: eligite bodie quod placet, cui servire potissimum debeatis.* 2 Reg. 24. 12. *Trium tibi datur optio; elige unum, quod volueris ex his.* 3 Reg: 3. 5. *Postula, quod vis, ut dem tibi.*

II. Quoad liberam executionem, ut nimirum homo aliqua possit facere, quæ non facit; & contra aliqua possit non facere, quæ facit. 3. Reg: 3. 11. *Quia postulasti Verbum hoc, & non petisti tibi dies multos, nec divitias, aut animas inimicorum tuorum (quæ scilicet poterat postulare) sed postulasti tibi sapientiam.* &c. 4. Reg: 12, 4. *Pecuniam quæ, (poterant non inferre) sponte & aperto cordis sui inferunt in templum; accipiant illam Sacerdotes.* Eccl: 31, 10. *Qui potuit transgredi, & non est transgressus*

*sus: facere mala & non fecit. 1, Cor, 9, 1, Non sum liber? v. 4. Nunquid non habemus potestatem manducandi & bibendi? nunquid non habemus potestatem mulierem sororem circumducendi? quod tamen facere non voluit. Actor: 5, 4, Nonne manens tibi manebat; & verundatum in tua erat potestate?*

III. Quoad electionem & executionem cum adjuncta conditione. Isa: 1, 19. *Si volueritis, & audieritis me, bona terre comedetis: quodsi nolueritis, gladius devorabit vos. Matth: 19, 17, Si vis ad vitam ingredi, serva mandata, v, 21. Si vis perfectus esse, vade, vende, qua habes & da pauperibus, Luc: 9, 23, Si quis vult venire post me abneget semetipsum &c,*

Huc possent ex sacris literis adduci omnia præcepta, consilia, cohortationes: quare enim quid præcipitur, consilium, adhortatione argetur fieri, nisi quia potest non fieri? Hæc omnia colligit S. Aug: 1, de gratia & lib: arb: cap, 2, Vide Bell: Tom, 3. de lib, Arb, lib, 4, c. 7.

#### ACATHOLICA DOCTRINA

**H**omo in statu nature corruptæ non habet ulla in re liberum arbitrium; ne in



indifferentibus & civilibus; unde illud servum arbitrium vocant, quod coactè operetur, Sed UBI SCRIPTUM EST?

R<sup>a</sup>. I. Is: 41, 23, Bene autè malè, si potestis, facite, CONTRA Propheta hîc non homines sed gentium simulacra alloquitur, de quibus David Psalm. 113. Oculos habent & non videbant &c.

II. Ezech: 36. 27, Spiritum meum ponam in medio vestri, & faciam, ut in præceptis meis ambuletis, & iudicia mea custodiat. Sine hoc Spiritu non poterant, ergo non habebant liberum arbitriū. CONTRA. Per Spiritum intelligitur hîc gratia DEI excitans, qua interna inspiratione suadet & invitat, ut consentiamus ad implenda mandata; ita tamen, ut in potestate voluntatis relinquat consentire excitanti vel non, nimirum adjuvat infirmitatem, non tollit libertatem.

III. Pt: 118 36. Inclina cor meum in testimonia tua, & non in avaritiam. 3. Reg: 8 58. Inclinet corda nostra ad se, ut ambulemus in universis viis ejus, & custodiamus mandata ejus. Qui sic orat, certè non habet in sua potestate, ut faciat,  
vel

vel non faciat. CONTRA. Qui sic orat, petit à Deo gratiam ad exequendum, quod liberè elegit; sicut in priore dictum.

IV. Joan. 8. 34. *Qui facit peccatum, servus est peccati.* Si est servus, ergo non liber. CONTRA. Servitus peccati opponitur libertati à peccato, non verò libertati naturæ: hinc servus peccati, non est quidem liber à peccato, sed tamē est liber, ut maneat in illa servitute, vel Dei auxilio se liberet.

V. Joan: 15. 4. *Sicut palmes non possunt ferre fructum à semetipso, nisi manserint in vite, sic nec vos, nisi in me manseritis.* Ergo nisi homo juvetur à Deo, nihil potest. CONTRA. Hoc nihil efficit, nisi ut ostendat, ad executionē Dei gratiam libero arbitrio necessariam esse, sicut palmiti vitis, quod non negamus.

VI. 1. Cor: 4, 7. *Quid habes, quod non accepisti?* Si nihil habemus proprii, ergo nec actiones sunt in propria potestate. CONTRA. Liberum arbitrium accepimus dono à Deo, & ideo nostrum est, ut pro arbitrio nostro

cum



cum gratia Dei possimus facere & omittere: hinc c. 3. 8. dicit: *Unusquisque propriam mercedem accipiet secundum suum laborem; quem scilicet ex suo libero arbitrio faciet, cum posset non facere.*

VII Joan: 15. 5. *Sine me nihil potestis facere.* Rom; 9. 16. *Non est volentis, neque currentis, sed miserentis DEUS.* I. Cor: 3. 6 *Neque qui plantat est aliquid, neque qui rigat, sed qui incrementum dat DEUS.* CONTRA. Hæc solum probant nos ad exequendum, quod liberè elegimus, Dei gratia indigere.

*Corollarium.*

**N**Unquid ergo scriptum est, esse in homine liberum arbitrium, & non est scriptum, non esse liberum arbitriū?

## CONTROVERSIA XXI.

### DE JUSTIFICATIONE CATHOLICA DOCTRINA

**H**omo justificatur fide, non tamen sola; sed cum aliis Virtutibus. Timore, Spe, Charitate, Penitentia, Sacramento & proposito novæ vitæ. Ex Trid. Conc. Sess. 6. c. 6. Acatholici querunt.

URI

## UBI SCRIPTUM EST?

R. I. In communi: Jac: 24. *Vide-  
ris, quoniam ex operibus iustificatur homo,  
& non ex fide tantum.* Hanc Epistolā  
pro Canonica accipiunt cum tota Ec-  
clesia omnes SS. Patres: Sed Acatho-  
lici non recipiunt.

II. De Fide. Hebr. 11. 6. *Sine fide im-  
possibile est placere Deo, credere enim oportet  
accidentem ad Deum.* Hab: 2. 4. *Iu-  
stus in fide sua vivit.* Hinc fides à SS. PP.  
vocatur *Origo Justitia*, *jacua in vitam*  
*&c.* apud Bell: hic Tom: 3. l. 1. c. 13.

III. De Timore. Ecclesi. 1. 28. *Qui  
sine timore est, non possit iustificari* v. 27.  
*Timor Domini expellit peccatum.* Hinc S:  
Aug. apud Bell: *ait: nunquam accidit,  
ut quisquam ventus velens fieri Christianus,  
qui non aliquo Dei timore sit percussus.*

IV. De Spe. Prov: 28. 25. *Qui spe-  
rat in Domino, sanabitur.* Psal: 30. 40.  
*Eruct eos à peccatoribus, & salvabit eos,  
qui speraverunt in eo.* Matth: 9. 2, *Con-  
fide Fili remittantur tibi peccata tua.* Hinc  
Aug: apud Bell: *Nemo ait, potest bene  
operi paenitentiam, nisi qui speraverit in-  
dulgentiam.*



V. De Charitate inchoata scil: Luc: 7. 47. Remittuntur ei peccata multa, quoniam dilexit multum Gal: 5. 6. Neque circumcisio aliquid valet, neque praeputium; sed fides quae per Charitatem operatur, Hoc operatur sumitur passivè. i. Joan. 3. 14. Translati sumus de morte ad vitam, quoniam diligimus fratres, Et qui non diligit, manet in morte.

VI. De Pœnitentia. Actor: 11. 18. Es gentibus dedit Deus pœnitentiam ad vitam. 2. Cor: 7. 10. Quae secundum Deum tristitia est, pœnitentiam in salutem stabilem operatur, Ezech: 18. 21. Si impius egerit pœnitentiam, ab omnibus peccatis suis, quae operatus est, vita vivet & non morietur. Luc: 13. 3. Nisi pœnitentiam habueritis, omnes similiter peribitis.

VII. De Sacramento, nimirum Baptismi, Joan: 3. 5. Nisi quis renatus fuerit ex aqua & Spiritu S, non potest introire in regnum caelorum.

VIII. De proposito novae vitae. Ezech: 18. 31, Projicite à vobis omnes pravificationes vestras, & facite vobis cor novum & Spiritum novum De quo scripsit librum integrum Aug: de fide & operibus. Vide SS. PP: apud Bell: ACA.

## ACATHOLICA DOCTRINA

*Fides sola, excluso omni alio opere, hominem justificat. Sed*

## UBI SCRIPTUM EST?

Ry, I. Rom: 3. 27. *Ubi est gloriatio tua, Judæe, quâ tibi arrogas justiciam? Exclusa est. Per quam legem? Factorum? non: sed legē fidei, Arbitramur enim justificari hominem per fidem sine operibus legis.*

Rom: 4. 2, *Si Abraham ex operibus justificatus est, habet gloriam, sed non apud Deum, CONTRA, Apostolus in primo loquitur de operibus veteris legis uti ex seq: patet: Et de fide, quæ gratiam, Spem, Charitatem &c, complectitur, In secundo loquitur de operibus ante fidem solis naturæ viribus factis, ita August: apud Bell: hic,*

II, Gal, 2, 16, *Non justificatur homo ex operibus legis, nisi :: sed solum per fidem Jesu Christi CONTRA, I, Loquitur de lege veteri, II, Particula nisi malè explicatur per solum: quia quando per illam aliquid alteri opponitur, uti hic fides opponitur operibus, significat apud Latinos sed*

III, Ephes: 2, 9, *Gratia Dei salvati estis*



*estis per fidem, non ex operibus:* **CON-**  
**TRA** Apostolus solum excludit ope-  
ra sine fide & gratia facta,

IV, Philipp: 2, 9, *Ut inveniar in illo,*  
*non habens meam justitiam, quæ ex lege est*  
*per opera; sed illam, quæ ex fide Christi*  
*sine operibus,* **CONTRA.** Fides  
**Christi** non excludit opera, sed inclu-  
dit. Vide Aug. hîc apud Bell.

V. Luc: 7. 50. *Fides tua te salvam*  
*fecit.* Joan: 1. 12. *Dedit eis potestatem*  
*filios Dei fieri, qui credunt in nomine ejus.*  
Joan: 3. 36. *Qui credit in Filium, habet*  
*vitam æternam.* Rom: 5. 1. *Justificati*  
*ex fide pacem habemus ad Deum* **CON-**  
**TRA.** Licet non fiat hîc mentio o-  
perum, nullus tamen SS. Patrum de  
solâ fide intelligit.

VI. Luc. 8. 50. *Crede tantum & sal-*  
*va erit.* Ecce hîc per tantum sola fides  
exigitur. **CONTRA.** Verum est, lo-  
qui Christum de sola fide, sed in or-  
dine ad miraculum in excitanda Jai-  
ri filia: ad miracula enim impetranda  
sola fides sufficit, cum miracula non  
faciant ad Justificationem.

VII. Joan. 3. 16. *Ut omnis, qui cre-*  
*dit*

dit in eum, non periat, seu habeat vitam eternam. CONTRA. Particula omnis cum non explicatur à S. Aug: apud Bell: per nemo: I ut nemo qui credit, pereat: ex quo fides quidem esse necessaria deducitur, sed non sola. Sic etiam alii textus Act. 13. 39. Rom: 1. 16. Rom: 10. 4. & 1. Joã: 5, 1, intelligēdi.

VIII Rom: 4. 11. Si ex lege heredes sunt, exinanita est fides, abolita est promissio. per legem autem intelliguntur opera. CONTRA. Per legem intelliguntur opera legis veteris, vel sine fide & gratia facta: ex quo bene dicit, si hæc iustificant, ergo frustra est fides  
Corollarium.

Quid putes? an non scriptum est, non solam fidem iustificare, & non scriptum est, solam fidem iustificare?

CONTROVERSIA XXII.  
DE INCERTITUDINE  
JUSTIFICATIONIS.  
CATHOLICA DOCTRINA.

Sine speciali revelatione nemo potest esse certus, certitudine fidei, cui nullo modo possit falsum subesse, de sua Justificatione



De Incertitudine Justificationis 88  
tione .i. sibi esse remissa peccata. Acatho-  
lici quaerant:

UBI SCRIPTUM EST?

R. I. Prov: 20. 9. Quis potest dicere:  
mundum est cor meum, purus sum à pec-  
cato? Non dicit neminem esse mundum  
corde, quia Christus testatur, posse esse  
mundos corde Matth: 5, 8, Sed nemi-  
nem posse dicere, se esse mundum.

II. Eccl: 9. 1. Sunt justi atque sapien-  
tes, & opera eorum in manu Dei: & ta-  
men nescit homo utrum amore an odio di-  
gnus sit; sed omnia in futurum servantur  
incerta. Ad litteram sumit S. Hier:

III. Eccl: 5, 5. De propitio pecca-  
to noli esse sine metu &c. ne dicas: misera-  
tio Domini magna est; multitudinis pecca-  
torum meorum miserebitur. Clarissimus  
est textus contra eos, qui se dicunt  
certos esse de justitia, modò fide Chri-  
sti Justitiam apprehendant.

IV. Job: 9, 11, Si venerit ad me, non  
videbo eam, si abierit, non intelligam: V.  
20. Si justificare me voluerit os meum con-  
demnabit me, si innocentem offendero, pra-  
vum me comprobabit. Etiam si simplex fue-  
ro, hoc ipsum ignorabit anima mea. Hæc,  
si

si certa fide novisset Job, se esse iustum, sine mendacio dicere non potuisset,

V. Pl. 18, 13, *Delicta quis intelligit ab occultis meis munda me, & ab alienis parce servo tuo.* Qui locus non tantum de venialibus, sed & mortalibus intelligi debet. Vide Hier: Bern: apud Bell: hîc.

VI, 1, Cor: 4, 4, *Nilil mihi conscius sum sed non in hoc justificatus sum: qui autem iudicat me, Dominus est.* Fortè Deus videt in Conscientia mea latere, quod ego non video: Sic exponunt Amb: Chrys: Hier: Aug: alique apud Bell. hîc l. 2. c. 5.

VII. Dan: 4. 24 *Forſan ignoſcet DEUS.* Joel: 2, 14, *Quis ſcit, ſi convertatur, & ignoſcat DEUS?* Hæc & alia paſſim non reſpiciunt incertitudinẽ promiſſionis divinæ, ſed noſtræ diſpoſitionis: quâ poſita non poſſumꝑ de Juſtitia certi eſſe.

#### ACATHOLICA DOCTRINA.

**F**ideles non ſalũ poſſunt, ſed etiam debent certa fide ſtatuerẽ ſibi peccata eſſe remiſſa, modò firma fide Juſtitiam Chriſti



*De Incertitudine Justificationis* 90  
*Si sibi imputatam apprehendant, Sed*  
**UBI SCRIPTUM EST?**

**R. I. Luc. 17. 10.** *Cum feceritis omnia, quæ præcepta sunt vobis, dicite: servi inutiles sumus; quod debuimus facere, fecimus.* Si Christus nos jubet dicere, fecisse nos, quæ debuimus facere; ergo debemus posse certi esse, alioquin juberet nos mēiri. **CONTRA.** Christus non hortatur nos, ut putemus nos omnia fecisse, quæ præcepta sunt; quod esset superbire: sed hortatur ad humilitatem, svadens, ut licet bona fide fecerimus, quæ sunt præcepta, & nullius transgressionis nobis consciī simus, demissè de nobis sentiam⁹; cum possit peccatum nobis occultum latere, quod **DEUS** cognoscit.

**II. Joan: 3. 21,** *Qui facit veritatem, venit ad lucem, ut manifestentur operā ejus quia in DEO facta sunt.* Qui sic audet ad justitiæ solem accedere, debet certò scire, sua opera esse bona. **CONTRA.** Hoc non sequitur, nam etiam peccatores confidenter accedebant ad Christum, ut justificarentur, imò Christus jubebat, **Matth. 11. 28.** *Venite*  
**E**

nite ad me, qui laboratis &c Deinde hoc textu docet Christus naturâ suâ mala opera fugere lucem, bona è contra lucem non erubescere.

III. Joan: 13, 35, *In hoc cognoscet omnes, quia discipuli mei estis, si dilectione habueritis ad invicem.* Si alii possunt cognoscere de nobis, ergo & unusquisque de seipso. CONTRA. Christus ponit signum, quo exterius alii possint cognoscere, quis sit Christi discipulus, non tamen certò & fide divina, sed fide humana & conjecturali.

IV. Joan. 14. 17. *Vos cognoscetis eum Spiritum Sanctum, quia apud vos manebit. & in vobis erit.* CONTRA. Loquitur de cognitione Spiritûs S. per fidem, sine quâ nemo potest dona ejus accipere, ne dum sperare: non autem de justificatione.

V. Joan: 14, 20, *In illo die vos cognoscetis, quia ego sum in Patre meo, & vos in me, & ego in vobis.* CONTRA. In hoc loco juxta Aug: & Cyrill: hîc loquitur de cognitione beata post hanc vitam. Deinde si contendatur loqui  
seum



De incertitudine Justificationis 92  
eum de hac vita, explicatur de Ec-  
clesia, in qua quia sumus per fidem,  
cognoscimus Christum esse in nobis,  
sicut est in Ecclesia, cujus ipse Caput  
est, & nos membra.

VI. Rom: 3. 22. *Justitia DEI per fi-  
dem JESU Christi in omnes & super omnes,  
qui credunt in eum.* CONTRA. Apo-  
stolus non loquitur de secunda justi-  
ficatione, sed de prima: unde nihil  
facit contra nos.

VII. Rom: 8. 15. *Accepistis Spiritum  
adoptionis Filiorum DEI, in quo clama-  
mus, Abba, Pater: ipse enim Spiritus testi-  
monium reddit spiritui nostro, quod simus  
Filii DEI.* Si Spiritus S. nobis dat te-  
stimonium, ergo certi sumus. CON-  
TRA. I. Latini interpretes dicunt,  
non intelligi per *testimonium Spiritus*  
S. revelationem, sed internam ali-  
quam suavitatem & pacem, quæ est  
tantum signum conjecturale. II. Græ-  
ci dicunt, illud *testimonium Spiritus S.*  
non esse nisi motionem aliquam in-  
ternam, quâ incitamur, ut dicamus  
*Pater:* An autem illa motio interna sit  
à Spiritu S. semper, non constat no-

bis fide divinâ; cùm etiam magni peccatores ex aliqua interna motione dicant *Pater*.

VIII. Rom: 8. 38. *Certus sum, quia neque mors &c. poterit nos separare à charitate DEI.* CONTRA. S. August. sic explicat, certum esse, omnes prædestinatos in charitate perseveraturos: de nullo autem in hac vita certi sumus an sit prædestinatus. Amb: Hier: & alii per *certus sum* intelligunt confidentiâ aut certitudinē conjecturalē.

IX. I. Cor. 2. 12. *Accepimus Spiritum, qui ex DEO est, ut sciamus, quæ à DEO donata sunt nobis.* Inter hæc dona est justificatio. CONTRA. Apostolus non loquitur de particularibus donis, sed communibus omnib9 electis, uti est æterna gloria.

X. I. Cor. 11. 28. *Probet seipsum homo, & sic de pane illo edat.* CONTRA. Non loquitur de certitudine fidei, sed morali ex conscientie sufficienti discussione.

XI. 2. Cor: 1. 12. *Gloria nostra hæc est, testimonium Conscientie nostræ.* CONTRA. Conscientie testimonium magnam



gnam parit lætitiā, sed non facit certitudinem fidei de justificatione.

XII. Eph: 3, 12. *In quo habemus fiduciam, & accessum in confidentia per fidē ejus.* Hæc inferunt certitudinem in eo, qui audacter accedere audet. CONTRA, Esse audacem, non est esse certum: sed certitudo gignit audaciam. Attamen Apostolus loquitur de veritate mysteriorum fidei, non verò de certitudine justitiæ nostræ.

XIII. I. Joan: 3, 14. *Scimus quoniam translati sumus de morte ad vitam, quoniam diligimus fratres.* c. 5, 19. *Scim⁹ quoniam ex Deo sumus.* CONTRA. I. Per *scimus* non inferitur certitudo, sed conjectura. II. Joannes loquitur quidem de se, non tamen secundum fidei certitudinem, sed confidenter. Vide de omnibus his Bell: hñol, 3. c. 9.

*Corollarium.*

EX hoc Colliges, scriptum esse, neminem esse certum de sua Justificatione sine revelatione: & non esse scriptum, nos ex imputata Justitia esse certos.

CONTROVERSIA XXIII  
DE  
NECESSITATE BONORUM,  
OPERUM  
CATHOLICA DOCTRINA.

*H*omini iusto rationis usum habenti, opera bona, sive præcepta, sive supererogationis sunt necessaria ad salutem, non solum ratione præsentiae, sed etiam efficientiae. Ita ut sine illis fides salutem non efficiat. Acatholici quæriunt:

UBI SCRIPTUM EST?

R. I. Hebr. 10. 36. *Patientia vobis necessaria est, ut facientes voluntatem DEI reportetis promissionem.* I. Patientia utpote actus virtutis, opus est, & quidem juxta Jac. 1. 12. Opus perfectum. II. Necessaria ratione efficientiae, quia est necessaria ut reportetis promissionem.

II. Phil. 2. 12. *Cum metu & tremore salutem vestram operamini.* Ecce necessitas operum ratione efficientiae.

III. 2. Cor. 7. 10. *Tristitia, quæ secundum DEUM est, poenitentiam in salutem stabilem operatur.* Poenitentia utique



*De Necessitate Bonorum Operum.* 96  
que opus est, sed illa per tristitiam  
effecta, operatur salutem.

IV. Matth: 19. 17. *Si vis ad vitam ingredi serva mandata, Quis autem servabit, quin faciat opera? Item Matth: 25. 34. Venite benedicti Patris mei, possidete paratum vobis regnum à constitutione mundi. Esurivi enim &c.* Causa salvationis à Christo assignatur, exhibuisse opera misericordiae; omisisse vero, causa damnationis. Et quis neget, ea esse ad salutem necessaria?

V. Jac: 1. 52. *Qui permanserit in ea lege, non auditor obliviosus factus, sed factor operis, hic beatus in facto suo erit. v. 22. Estote factores verbi, & non auditores tantum, fallentes vosmetipsos. Jac: 2. 14. Quid proderit fratres mei, si fidem quis dicat se habere, opera autem non habeat? Nunquid poterit fides eum salvare? Quàm clarè!*

VI. Jac: 2. 21. *Abraham Pater noster, nonne ex operibus iustificatus est, offerens filium suum super altare? Vides, quoniam fides cooperabatur operibus ejus, & ex operibus fides consummata est? &c. Videtis, quoniam ex operibus iustificatur*

*homo, & non ex fide tantum? similiter & Raab meretrix, nonne ex operibus justificata est, suscipiens nuntios, & aliâ viâ eiciens? His nihil videtur addendum, eò quod Aug: l. de fide & oper, c. 14. disertè affirmet, scopum Epist: S. Jac: (uti & Petri, Joan: & Judæ) esse, docere fidem veram atque Catholicam, contra hæresin tunc jam exortam, quæ docebat, fidem sine operibus, ad salutem sufficere. Unde non mirum est, hanc Epist: nostris A catholicis non placere.*

### ACATHOLICA DOCTRINA.

*Opera bona, non ratione efficientia, sed ratione præsentia sunt ad salutem necessaria, nimirum ut per ea fides esse viva & vera ostendatur: Hinc sola fides efficit salutem Sed*

### UBI SCRIPTUM EST?

*R: I. Rom: 4. 3. Credidit Abraham & reputatum est illi ad Justiciam. Jac: 2, 23 additur: Et amicus DEI appellatus est. Qui locus tantum mentionem facit de fide & est directè S. Jacobo contrarius, quanquam & ipse S. Pauli locum ad Rom: ex Gen: 15. 6. adducat.*



ducat. CONTRA. Et Paulus & Jacobus loquuntur tam de prima Justificatione, quâ ex impio quis fit justus, uti patet ex v. 5. quàm de secunda, quâ ex justo fit justior, ut patet ex v. 20. Unde hic sensus efficitur: Abraham & primò justificatus est per fidem, cùm primùm credidit DEO; & secundò justificatus est etiam per fidem, quâ secundò Deo promittenti & præcipienti credidit: à neutra tamen fide Paulus opera excludit, nisi quæ solùm naturæ viribus sine fide & gratia sunt facta, ad fidẽ in utraque justificatione exigit, in prima quidem ut dispositiones, in secunda verò ut merita. Sic ex S. August: aliisque Doctoribus explicat Gab: Vasq: Tom: 2. in 1, 2. dis: 210. c. 8. apud Corn. à Lap. hñc.

II. Rom: 3. 27. *Exclusa est gloriatio tua, per quam legem factorum? non: sed per legem fidei.* Excluditur ab Apostolo omnis operum gloriatio. CONTRA. Eorum scilicet operum, quæ vel veteris sunt legis, vel sine fide & Christi gratia fiunt, gloriatio excluditur.

Es

NO.

NOTA, Acatholicos pro hac Cōtroverſia eoſdem textus adducere, quos in Contr. 21. & ſequentē adducunt, quare hīc recensere omitto,

*Corollarium.*

**S**criptum ergo eſt, opera bona cum fide ad ſalutem neceſſaria eſſe, & non ſcriptum eſt, ſolam fidem ſine operibus ſalutem operari.

## CONTROVERſIA XXIV.

### DE

## BONORUM OPERUM MERITO.

### CATHOLICA DOCTRINA.

**O**pera Juſtorum verè bona & juſta ſunt, ideòque verè ac propriè ſunt meritoria, non cujuſcunque præmi, ſed ipſius vitæ æternæ, ſecundùm juſtitiam ex condigno ob DEI promiſſionem. Acatholici quæ-  
runt,

### UBI SCRIPTUM EST?

R. I. Matth. 5, 16, Sic luceat lux veſtra coram hominibus, ut videant opera veſtra bona & glorificent Patrem veſtrum, qui in celis eſt. Quod ipſe Chriſtus bonum dicit, poteſtne eſſe malum? An putas, per peccata & mala DE-  
us poteſt glorificari? II.



II. 2. Petr. 1. 10. *Satagite ut, per bona opera certam vestram Vocationem & electionem faciatis: hæc enim facientes non peccabitis.* Cur ad bona opera Apostolus hortatur, si sunt peccata & mala?

III. Matth: 5. 12 *Gaudete & exultate, quoniam merces vestra copiosa est in cælis,* & Matth: 20 ' 8. *Voca operarios & redde illis mercedem.* Per hanc parabolam Aug, Hier. Greg: & alii apud Bell: hñc intelligunt remunerationē bonorum operum in cælo. Si autē merces redditur bonis operibus ergo verè sunt meritoria.

IV. 2. Tim. 4. 8. *Reposita est mihi corona Justitiæ, quam mihi reddet Dominus in illa die justus Judex &c,* Hebr: 6. 10. *Non est injustus Deus, ut obliviscatur operis vestri.* Hinc ex justitia de condigno ob promissionem à Deo factam dari operibus bonis vitam æternam, docent Aug: Cypr: Chrys: & alii apud Cornel: à Lap: 2. Tim: 4. Licet enim opera nostra, sint Dei, tamen etiam sunt nostra quia liberè facimus, quæ possemus non facere ut ad Christum cum Aug, dicere pos-

simus: Redde Iquod promisisti, quia fecimus, quod iussisti.

V. Jac: 1. 12. Accipiet coronam vitæ, quam repromisit Deus diligentibus se. Ecce promissa operibus vitæ!

VI 2, Thess: 1. 5. Ut digni habeamini regno Dei, pro quo & patimini. En opera digna sunt regno DEI!

VII. Huc pertinent alia plura loca. Job: 1. 22. & 2. 3. Ubi Deus Jobum commendat. Ps. 10. 3. Sap: 9. 12. Act. 10. 35. Ps. 61. 13. Matth: 16. 17. Rom. 2. 6. & 7. & Matth: 25. 34 Quæ omnia vide apud Bell. hñc Tom: 3. de Justif: 1. 5.

### ACATHOLICA DOCTRINA.

**O**pera bona Iustorum sunt verè mala & peccata coram Deo: unde nec meritoria vitæ æternæ, quæ solùm ex misericordia datur. Verum

### UBI SCRIPTUM EST?

R. I. Ps. 142. 2. Non intres in iudicium cum servo tuo, quia non justificabitur in conspectu tuo omnis vivens. Ergo opera hominis nō possunt dici iusta  
CONTRA. I. S, Aug, sic explicat: hominem ex se verè nihil habere, quo  
iusti



justificetur, sed solum ex gratia DEI: ex quâ etiam habet, quod possit bene operari. II. Aug: Greg: Hier: & alii ajunt, Davidem loqui de venialibus, sine quibus vix ullus vivit: quæ operibus bonis admixta, non efficiunt quidem, ut opera bona sint mala, faciunt tamen ut homo puniri possit, & à præmio retardari.

II. Eccl: 7. 21. *Non est homo justus in terra, qui faciat bonum & non peccet.* Si non potest facere bonum, quin peccet; ergo bonum, quod facit, est peccatum. CONTRA. Sensus est juxta Hier: hic, neminem tam bene operari, quin subinde etiam veniale quid committat.

III. Isa. 64. 6. *Quasi pannus menstruatae universa Justitia nostra.* Quàm clare! CONTRA. Non loquitur Isaias de justis, sed de insignibus peccatoribus, nam dixit v. 5. *Ecce tu iratus es, & peccavimus.* II. Loquitur de sacrificiis, Neomeniis &c. quæ prava intentione vitiabant, & tamen justitias vocabant.

IV. Ps. 102. 4. *Coronat te in misericordia & miserati-*

*& miserationibus.* Ergo non ex merito.  
**CONTRA.** Juxta Aug. cū merito stat  
 misericordia, quæ venialia remittit,  
 nec prohibet meritis ex Justitia dari  
 coronam. Ex misericordia deinde da-  
 tur gratia, sine qua bene non possu-  
 mus operari.

V. Dan. 9. 18. *Non in justificationi-  
 bus nostris prosternimus preces nostras an-  
 te faciem tuam: sed in miserationibus tuis  
 multis.* **CONTRA.** Daniel loquitur  
 solum de captivitatis tempore, inquā  
 populus ob peccata devenerat, unde  
 non poterat opera bona allegare.

VI. Luc. 17. 10. *Cū feceritis omnia,  
 quæ præcepta sunt vobis, dicite, servi inu-  
 tiles sumus.* **CONTRA.** Hunc locum  
 vide explicatū, Contr: de Consiliis.

VII. Rom. 6. 23 *Gratiā autem Dei vita  
 æterna.* Quid clarius? **CONTRA.** Di-  
 citur gratia, quia gratis habemus Dei  
 gratiam, qua possumus bene mereri.

VIII. Rom. 8. 18. *Non sunt condi-  
 gnæ passionēs ad futuram gloriam.* **CON-  
 TRA.** Non est proportio, si & ope-  
 rum & gloriæ substantiam attenda-  
 mus; est tamen, si charitatem, ex qua  
 opera



opera fiunt, consideremus: sicut peccatorum deliciae minora sunt, quàm gehenna, sed ob DEI contemptum dignae sunt tantâ poena.

IX. Tit. 3. 5. *Non ex operibus Justitia, quae fecim, sed secundum suam magnam misericordiam salvos nos fecit.* Ergo sic Christi meritis injuria, si merita velimus prætendere. CONTRA. Si simul fatemur, nos hæc ipsa merita ex Christi gratia habere, non facimus ullam injuriam Christo.

*Corollarium.*

EX his videre est, scriptum esse, opera Justorum esse bona & meritoria: sed non esse scriptum, ea esse peccata & non meritoria.

CONTROVERSIA XXV.  
DE PURGATORIO.  
CATHOLICA DOCTRINA.

*Præter Cælum & infernum, est locus quidam, quem vocamus Purgatorium, in quo animæ quæ in hac vita non plenè sunt purgatæ, post eam purgantur. Sed*

UBI SCRIPTUM EST?

R. I. 1. Cor 3. 10. *Fundamentum posui:*

posuit: alius autem superædificat. Unus-  
quisque autem videat, quomodo superædifi-  
cet, &c si quis autem superædificat super  
fundamentum hoc aurum, argentum, lapides  
pretiosos, ligna, fenum, stipulam, unius-  
cujusque opus manifestum erit. Dies enim  
Domini declarabit, quia in igne revelabi-  
tur, & uniuscujusque opus, quale sit, ignis  
probabit. Si cuius opus manserit, quod su-  
perædificavit, mercedem accipiet. Si cuius  
opus arserit, detrimentum patietur: ipse au-  
tem salvus erit, sic tamen quasi per ignem.  
In hoc Textu, Fundamentum est Chri-  
stus, à Paulo & aliis Apostolis annū-  
tius: qui superædificant, sunt Docto-  
res post Apostolos, & Christiani: au-  
rum, argentū & lapides sunt tū doctrina  
salutaris, tum opera bona: lignum, fe-  
num, stipula, tum doctrina inutilis &  
curiosa, tum peccata venialia aliis bo-  
nis operibus mixta. Dies Domini est  
extremi iudicii dies. Ignis, qui in die  
domini uniuscujusque opus proba-  
bit, est severum Dei iudicium pro-  
bans & examinans ea, quæ superædi-  
ficata sunt, Ignis per quem salvus e-  
rit, est poena temporalis purgatoria,  
ad



ad quā post mortē adjudicantur, qui  
superædificāt *fœnum* &c. l. peccata ve-  
nialia, aut inutiles doctrinas cū bonis  
operibus miscēt, ut exurēdis iis patiā-  
tur, salvi tamē post purgationē in igne  
præstīa fiant. Sic apud Bell: hīc l. 1. c.  
6 exponūt August: Chrys: Amb: Ans:  
Thō: Theod: Theophil: Cypr: & alii.

II. Matth. 5. 25. *Esto consentiens  
Adversario tuo citò, dum es in via cum eo,  
ne fortè tradat te Adversarius Judici, &  
Judex te tradat ministro, & in carcerem  
mittaris. Amen dico tibi, non exies inde,  
donec reddas novissimum quadrantem.* In  
hoc textu *Adversarius* est Dei lex, vel  
ipse Deus, qui nostris pravis deside-  
riis adversatur *Via* est præsens vita,  
*Judex* est Christus. *Tortor* vel *minister*  
est Dæmon, *Carcer* est locus purga-  
torius, *Novissimus quadrans* sunt minu-  
ta peccata, quæ in purgatorio ple-  
ctuntur. Sic apud Bell: hīc l. 1. c.  
7. exponunt Cypr. Orig. Hil. Amb.  
Hier. Aug: & alii.

### ACATHOLICA DOCTRINA.

*Post hanc vitam nullum est purgatoriū;  
sed, si quod est, solum habetur in hac  
vita*

vita & in morte: horror enim & pœna mortis, si quid purgandum superest, purgat. Sed  
**UBI SCRIPTUM EST?**

Rx. I. Pl. 126. 3. *Cum dederit dilectis suis somnum, ecce hereditas Domini.* Hic inter somnum & hereditatem .i. mortem & beatitudinem nihil intercedit, quod purgatorium dici possit. **CONTRA.** S. August: exponit de generali resurrectione; ubi non erit purgatorium.

II. Eccl: 9. 10. *Quodcumque facere potest manus tua, instanter operare, quia nec opus, nec ratio, nec sapientia, nec scientia erunt apud inferos, quod tu properas.* Hic nullum in altero sæculo, remedium relinquitur peccatori. **CONTRA.** I. S. Hier: hic explicat de iis, qui ob mortalia peccata descendunt ad Gehennam. II. S. Greg: I 4. Dial. c. 39. ait, hic moneri omnes, ut in hac vita studeant ita vivere, quo illam à Deo indulgentiam mereantur, ut ubi ad purgatorium venerint, juvari se à vivis permittat: se enim ipsos juvare non valebunt.

III. Eccl. 11. 3. *Si ceciderit lignum ad*



*ad Austrum aut ad Aquilonem: in quocun-  
que loco ceciderit, ibi erit* Hic non da-  
tur tertius locus. CONTRA. Sicut  
per austrum intelligitur Gloria cœ-  
lestis; ita etiam Purgatorium, nam  
qui ad purgatorium mittitur, certus  
est de æterna salute. Vide Hieron.  
hic. & Bern. apud Bell. hic. c. 12. E-  
odem modo explicatur illud 2. Cor  
5. 10.

IV. Matth. 25. 34. & 41. aliis di-  
cetur *Venite benedicti*; aliis *maledicti*.  
Ubi hic purgatorium? CONTRA.  
Sermo est de extremo iudicii die, ubi  
finem habebit purgatorium.

V. Luc. 23. 43. Latroni dictum est:  
*Hodie mecum eris in Paradiso* Ergo is  
non habuit purgatorium? Ita. Neque  
negamus, posse hominem sic vivere,  
& tam multa patienter tolerare, ut si-  
ne purgatorio cælum petat.

VI 2. Cor. 4. 1. *Si terrestris domus  
nostræ huius habitationis dissolvatur, edi-  
ficationem ex DEO habemus, domum non  
manu factam, æternam in cælis.* Ergo re-  
cta à morte ibunt, pii ad cælum. CON-  
TRA. Apostolus solum dicere inten-  
dit,

dit, Cælum non patere ante mortem.

VII. Apoc, 14. 13. *Beati mortui, qui in Domino moriuntur: amodo jam dicit Spiritus, ut requiescant à laboribus suis* Si omnes pii post mortem requiescunt, ergo non torquentur. CONTRA. I. Ansel. explicat de extremo Judicii die. II. Richard, à S. Viçt. & Haymo explicant de viris perfectis. & Martyribus, qui nihil purgandum secum ex hac vita efferunt. Vide Bell. hñc l, 1. c. 12.

*Corollarium.*

ERgo scriptum est, Purgatorium esse; & non scriptum est, non esse.

## CONTROVERSIA XXVI.

DE

SUFFRAGIIS: pro DEFUNCTIS.  
CATHOLICA DOCTRINA.

*ANime in purgatorio detentæ possunt vivorum suffragiis, nimirum sacrificio Missæ, Oratione, Eleemosynis, Jeuniis, Peregrinationibus & aliis operibus pœnalibus & satisfactoriis juvari. Sed*

UBI SCRIPTUM EST?

R. I. Mach: 12. 46. (Quem librum Eccle



Ecclesia & Conc. Carthag: 3. Can. 47. August. l. 18, de Civita; Dei, c. 36. pro Canonico agnoscunt ) *Sancta & salubris est cogitatio pro defunctis exarare, ut à peccatis solvantur, & ibidem miserat Judas Jerosolymam duodecim millia drachmas argenti in sacrificia pro mortuis expendenda. In cælo autem defuncti præcibus & sacrificiis non egent: in inferno iis non prosunt, ergo sermo est de animabus in purgatorio existentibus.*

II. Tob. 4. 18. *Panem tuum & vinum tuum super sepulturam iusti constitue, & noli ex eo manducare & bibere cum peccatoribus* Hic locus à S. Chrys., apud Bell. hîc c. 3, explicatur de eleemosynis in solatium defunctorum.

III. 1. Reg: 31. 15. *Viri Jabes Gilaad tulerunt ossa Saul & Jonathæ; & sepelierunt, & jejunaverunt septem diebus,* 2. Reg: 1. 12, *David omnesque viri, qui erant cum eo, planxerunt & fleverunt, & jejunaverunt usque ad vespèram super Saul.* Nec jejunavit David solum in signum luctûs, nam pro filio suo ægroto quidem jejunavit, non verò pro mortuo

tuo ( ubi tamen luctus solet esse maximus ) quia eum ut Innocentem sciebat suffragiis non egere. Vide Bell: hîc lib: 1. c. 3.

IV. Eccl: 7: 37. *Mortuo non prohibeas gratiam. Quæ autem alia gratia possit mortuo exhiberi, quàm ut suffragiis juvetur?*

### ACATHOLICA DOCTRINA

*D*efunctis non prosunt quidquam suffragia vivorum. Sed

### UBI SCRIPTUM EST?

R. I. Eccl 9. 5. *Viventes sciunt, se morituros: mortui autem nihil noverant amplius, nec habent ultra mercedem, quia oblivioni tradita est memoria eorū.* CONTRA. Sapiens loquitur de bonis huius vitæ, quasi dicat, mortuos nil scire, quid agatur de rebus, quas reliquerunt, nec posse illis propria actione uti ad suam liberationem, sicut poterant ante per dispositionem. Vide Bell: hîc l. 2. c. 15.

II. Gal: 6. 5. *Unusquisque onus suum portabit.* Hæc explicat Hier. de altera vita, in qua nemo ab altero possit juvari. CONTRA. Hier: vel intelli,



telligendus de iis, qui cum mortali decedunt, vel de extremo Judicii die, quando cessante Purgatorio, etiā cessabunt suffragia mortuorum: Nam is ipse graviter invecus in Vigilantiū, qui negavit post mortē posse precib9 vivorū, quenquā defunctorū juvari.

## Corollarium.

*Scriptumne est, non posse vivorum suffragiis defunctos juvari, aut scriptum est, posse juvari?*

## CONTROVERSIA XXVII.

## DE CULTU SS.

## CATHOLICA DOCTRINA.

*Angeli, & Sancti à Pontifice & Ecclesia Canonizati, possunt publicè, non Canonizati verò, privatim à nobis coli, non latria, quæ soli D<sup>no</sup> convenit; sed dulia, qui medi-  
us est inter cultum latriæ & Civilem. SS. verò Humanitas Christi & B. V. ob majorem excellentiam, quàm habeant alii SS. cultu Hyperdulia. Acatholici quærunt:*

## UBI SCRIPTUM EST?

*R. I. Ps 98 5. Adorate scabellum pedum ejus 1. Arcam Testamenti, quoniam sanctum est. Si Arca coli potuit, quia*

quia sancta, cur non etiam Angeli & sancti?

II. Num. 22. 31. Balaam vidit Angelum stantem in via, adieratque eum pronus in terram. Et Jol. 5. 14. Cum Josue audiit virum ante se stantem esse Principem exercitus Domini .i. Angelum, cecidit pronus in terram & adoravit. Hæc adoratio non potest dici cultus latriæ, neccultus merè civilis, ergo duliæ.

III. 1. Reg: 28. 14. Intellexit Saul, quod Samuel .i. anima ejus, suscitata esset inclinavit se super faciem suam in terra & adoravit. Non potest dici cultu civili adorasse, quia is defunctis non convenit, ergo duliæ

#### ACATHOLICA DOCTRINA

**N**ec Angeli, nec homines defuncti possunt ullo modo à vivis coli. Sed

#### UBI SCRIPTUM EST?

R. I. Deut. 6. 13. Dominum DEUM tuum timebis, & illi soli servies. Servire autem est colere? ergo non potest alteri, quàm Deo, tribui. CONTRA. Ex Græco vocabulo, ostenditur per servire intelligi cultum latriæ.



II. 1. Tim: 1. 17. *Soli Deo honor & gloria.* CONTRA. Non omnis sed certus latria.

III. Matth: 4. 10. Diabolus à Christo tantum petiit juxta Græcum inclinationem, & tamen Christus negavit, cum soli Deo debeatur. CONTRA, Diabolus petiit inclinationem latriæ: unde Latinus textus dicit: *si adoraveris.*

IV. Gal. 4. 8. Exprobratur Galatibus: *lis. qui nativâ, non sunt Dei serviebatis.* CONTRA. *Servire* sumitur hîc ab Apostolo pro latria, uti contextus probat.

V. Act. 10. 26. Petrus prohibuit Cornelium se adorare. Item Actor. 14. 14. Paulus & Barnabas vetuerunt sibi sacrificari. Item Apoc. 19. 10. Joannes se adorari inhibuit. CONTRA, Prohibuerunt cultum latriæ Deo debitum.

*Corollarium.*

Quid scriptum est? Angelos & sanctos posse coli, an non posse coli?

CONTROVERSIA XXVIII.  
DE SS INVOCATIONE.  
CATHOLICA DOCTRINA

**S**ancti, sive Angeli, sive Homines, præ  
utiliter à Viventibus invocantur; non ut  
ipsi ex se nobis aliquid conferant, sed pro  
nobis orent, & per Christum apud Deum  
nobis, quod petimus, impetrent. Acatho-  
lici quarunt.

UBI SCRIPTUM EST?

**R:** I Gen: 48. 16. Angelus, qui eruit  
me de cunctis malis, benedicat pueris istis.  
Hic aperte Jacob Angelos invocavit.

**II** Exod: 32. 13. Recordare Abra-  
ham, Isaac, & Israel servorum tuorum.  
Hic Moyses non quidem expresse in-  
vocat Abraham &c. quia ante Chri-  
sti mortem non erant in cœlo. sed  
tamen eorum merita apud Deum  
allegat.

**III** 1 Reg: 7. 8. Invocant filii I-  
sraël Samuelem. Ne cesses pro nobis ad  
Dominum Deum nostrum clamare, ut sal-  
vet nos de manu Philistinorum. Job 42.  
8. Job servus meus orabit pro vobis. Rom:  
15. 30. Obsecro vos, fratres, utj oraveris



*me in orationibus vestris pro me ad Deum.*  
 Si licuit viventes Dei amicos invocare, cur non licebit eos cum Deo regnantes in cælo invocare? An quia ipsi juvare nolunt? aut majore sunt charitate præditi, quàm ante. An quia non possunt? cur non possint in cælo, quod potuerunt in terris? An quia non sciunt, quid oremus? Unde sciunt angeli peccatoris pœnitentiam de qua gaudent Luc. 15? An quia Deo fit injuria, si alius quàm ipse invocetur? Sic neque viventes licebit invocare.

### ACATHOLICA DOCTRINA.

*Inutile, imò illicitum est sanctos sive Angelos, sive Homines invocare, ut pro nobis orent. Sed*

### UBI SCRIPTUM EST?

Rg, 1. Rom: 10. 14. *Quomodo invocabant, in quem non crediderunt? Vides? nemo invocandus, nisi in quem credimus, qui solus est Deus. CONTRA.* Ergo nec viventes licebit invocare, nam etiam in illos non credimus. Apostolus autem loquitur de Deo, quem nemo possit invocare, nisi in eum cedat.

II. 1. Tim: 2. 5. *Unus mediator est Dei & hominum, homo Christus Jesus.* Ergo invocando SS. pro mediatoribus injuria fit Christo. CONTRA, Sic nec vivorum preces essent petendæ. Deinde non rogamus sanctos, ut vice Christi fungantur apud Deum: sed ut precibus suis juvent, quod facilius per Christum, quod petimus, impetremus. Quæ hîc fiat Christo injuria?

III. 3. Reg: 8. 39. *Tu nōsti solus cor omnium.* Ergo etiam solus Deus novit preces nostras, & non sancti. CONTRA. Deus solus propria virtute cor omnium novit: sancti autē cognoscunt quid & quantum à Deo ipsis manifestatur, sive visione beatifica, sive speciali revelatione.

IV. Luc: 11. 9. *Petite & dabitur vobis.* Joan: 16. 23. *Si quid petieritis Patrem in nomine meo, dabit vobis.* Ex his sequitur, Deum parentissimum esse nos juvare: quid ergo & sancti sunt invocandi? CONTRA, Quid ergo Deus misit ad Job amicos ejus Job 42. 8?

V, Matth: 6. 9. *Docet Christus solum Patrem celestem invocandum*  
CON-



CONTRA, Ergo nec Christus, nec Spiritus S. est invocandus. Deinde ibi Christus non prohibet sanctos invocare.

*Corollarium.*

SEquitur, scriptum esse, posse sanctos invocari: non verò scriptum esse, illicitum esse sanctos invocare.

CONTROVERSIA XXIX.

DE SANCTORUM RELIQUIIS,  
CATHOLICA DOCTRINA.

Sanctorum Reliquiæ piè & fructuosè ab hominibus coli possunt. Sed

UBI SCRIPTUM EST?

R. I. 4. Reg: 13. 21. Cum cadaver tetigisset ossa Elisai, revixit homo. Quo miraculo Deus ostendit, quam etiam grata sibi sint ossa suorum amicorum.

II. Matth. 9. 20. Mulier, quæ sanguinis fluxum patiebatur, tetigit cum reverentia fimbriam vestimenti ejus ut sanaretur. Actor 5. 15. Ad umbram S. Petri ponebant ægros, ut curarentur. Act. 19. 12. Super languidos deferabantur à corpore Pauli sudaria & semicinctia, & recedebant ab eis languores. Si verò

verò impium esset, Reliquias colere, nec Christus, nec Petrus, nec Paulus id permisissent.

### ACATHOLICA DOCTRINA

*I*mpium est sanctorum reliquias aliquo cultu venerari. Sed

### UBI SCRIPTUM EST?

Re. I. Matth: 23. 29. *Ve vobis Scribae & Pharisei hypocrite, qui edificatis sepulchra Prophetarum; & ornatis monumenta justorum. Ergo non placet Deo honor, qui reliquiis exhibetur. CONTRA, Christus reprehendit eorum intentionem. I. Quia faciebant, non ut honorarent Prophetas, sed ut ipsi viderentur ab hominibus. II. Quia ex pecunia injustè à pauperibus & viduis extorta ædificabant.*

II. Deut 34. 6. *Abseondit Deus; corpus Moyse, ne Judæi illud colerent. CONTRA. Ne divinos illi honores exhiberent, ait S. Chrysost. hom. 5. in Matth. Vide Bell, hinc l. 2. c. 4.*

### Corollarium.

*H*inc patet. scriptum esse, piè coli sanctorum reliquias non verò scriptum esse impiè coli. CON-



CONTRORSIA XXX.  
DE IMAGINIBUS SANCTORUM.  
CATHOLICA DOCTRINA.

*L*icet sanctorum imagines habere & colere propter eos, quos representant, non tamen alia ratione. Acatholici querunt.

UBI SCRIPTUM EST?

R. Exod: 25. 18. Præcepit Deus fieri duos Cherubin supra arcam, qui aliis propitiatorium tegerent: atqui hi cum arca colebantur.

II. Num: 21. 18. Jussit Dominus fieri serpentem æneum, & poni pro signo, ut quicumque percussus aspexerit vivas. Hic aspectus erat veneratio. Si autem licuit colere in imaginibus Angelos & in serpente æneo Christum, hujus enim figura fuit Joan 3. 14, Cur non & eundem Christum, & alios sanctos in suis imaginibus?

ACATHOLICA DOCTRINA.

*I*dololatria est colere Sanctorum Imagines. Verum

UBI SCRIPTUM EST;

R. Exod: 20. 4. Deut: 4. 17. Rom. 1-23. & seq. Prohibetur cultus simulacri-

lacrorum. CONTRA. Prohibentur simulacra cultu divino coli, prout Exod: 32 1. Dicebant ad Aaronem: surge, fac nobis Deos: non verò in imaginibus sancti.

*Corollarium.*

*Scriptum est ergò, posse coli in imaginibus sanctos: è cōtra non scriptum est, non posse coli.*

### CONTROVERSIA XXXI. DE SACRAMENTIS CATHOLICA DOCTRINA.

*Sacramenta .i. ritus vel signa externa & sensibilia, quæ ex divina institutione annexam habent promissionem gratiæ iustificantis, sunt numero septem. Verùm regant Acatholici;*

#### UBI SCRIPTUM EST.

*Re. Iis in locis, quibus mox insequentibus Controversiis singula Sacramenta ostendentur in Sacris literis fundari. Duo autem sunt Notanda.*

*I. Numerum Septenarium quidem in scriptura non reperiri, sicut nec numerum vel binarium, vel ternarium &c. Adversariorum; reperiri tamen nec*



nec plura, nec pauciora, quàm septem, quibus definitio Sacramenti in genere convenit, quod sufficit.

II. Neque hoc nomen *Sacramentum* Baptismo & aliis attributum reperiri in scriptura, nisi uni *Matrimonio*. quod tamen ipsimet A catholici plerique negant esse Sacramentum: nihil tamen referre, cùm non sit Controversia de nomine.

### ACATHOLICA DOCTRINA.

*V*aria est: nam subinde unum, subinde duo, subinde tria, subinde etiam quatuor constituent. Negant tamen semper & constanter, esse septem. Sed

UBI SCRIPTUM EST?

( NULLIBI )-

Corollarium per se

CONTROVERSIA XXXII

DE BAPTISMO.

### CATHOLICA DOCTRINA.

**B**aptismus, qui est Sacramentum regenerationis per aquam in verbo vitae, est primum & maximè necessarium Sacramentum, tanquam medium ad salutem. Sed

UBI SCRIPTUM EST?

Ex. I. Eph; 5. 26. Ut illam Sanctificet.

F5

fica-

ficaret mundans lavacro aqua in verbo vita.  
Chrysoft: Theod. Ambros: Ansel: &  
alii apud Cornel: à Lap: hîc intelli-  
gunt Baptismum.

II. Joan. 3. 5. *Nisi quis renatus fu-  
erit ex aqua & Spiritu Sancto, non potest  
introyre in regnum Dei.* Hinc Conc: Tri-  
dent, Sess: 7. Can: 2. Sic decernit:  
*Si quis dixerit Baptismum non esse neces-  
sarium ad salutem, anathema sit.*

III. Matth: 28. 19. *Docete gentes, ba-  
ptizantes eos in nomine Patris, & Filii & Spi-  
ritûs S* Marc: 16. 16, *Qui crediderit,  
& baptizatus fuerit, salvus erit.* Vide  
Bell: de Sacr: in gen: l: 2. c. 24. &  
hîc l. 1. c. 4,

### ACATHOLICA DOCTRINA

**L**utherani & Calvinista in Baptismo quo-  
ad substantiam asserendo, & quod sit Sa-  
cramentum à Christo institutum, non disse-  
runt à Doctrina Catholica: in ritibus verd  
& ceremoniis, aliisque circa Baptismum  
sunt controversi, sed ea examinare non est  
hujus loci, nec nostri propositi, uti nec a-  
riorum Hereticorum errores excutere.

Corollarium.

**S**criptû est, Baptismû esse Sacramentû  
ad salutem necessarium. CON-



CONTROVERSIA XXXIII.  
DE CONFIRMATIONE.  
CATHOLICA DOCTRINA.

*Confirmatio est Sacramentum, quo baptizatis impositione manuum Episcopaliū & sacri Chrismatis inunctione infunditur Spiritus S. ut ad pugnam confirmetur. Verū.*

UBI SCRIPTUM EST?

R. I. Joan. 14. 16. Item Joan. 15. 27. Item Joan. 16, 8, promittit Christus Spiritum Paracletum, qui consoletur in adversis, Spiritum veritatis, qui eos confirmet, ut intrepidè de eo testimonium perhibeāt, & audeant mundum atquere: qui sunt effectus Confirmationis. Unde Act. 1. 8. ait Christus accipietis virtutem supervenientis Spiritus S. in vos, & eritis mihi testes &c.

II. Act. 8. 17. Postquam à Philippo in Samaria multi essent baptizati, missi ad eos Petrus & Joannes, oraverant pro ipsis, ut acciperent Spiritum S. tunc imponebant manus super illos & accipiebant Spiritum S. Item Act. 10. 6. Corinthi cū imposuisset illis manus Paulus, venit Spiritus S. super eos.

III. Luc: 24. 49. *Sedete in civitate, donec induamini virtute ex alto.*

Ex his Scripturæ locis, quanquam disertis verbis non habeatur Confirmationis Institutio, tamen evidenter colligitur: nam ad Spiritûs S. gratiam communicandam non alio medio, quàm manuum impositione Apostoli sunt usi, ( ecce ritus externus! ) addeò ut etiam magnis itineribus Petrus & Joan. Jerosolymis Samariam propterea proficiscerentur: & Spiritûs S infusio illam manuum impositionem mox sequebatur ( ecce gratia promissa ) Neque hoc ritu absque Christi mandato usi fuisse credi possunt. Quòdque hæc manuum impositio alia sit, ab eâ quæ in Sacramento Ordinis adhibetur, patet, quia hæc omnibus baptizatis fiebat, quorum pauci Ecclesiæ ministeriis applicabatur, Vide Bell: hîc l. 2. c. 2. & seq.

Neque urgeri possumus ad clara Scripturæ verba: nam nec profitemur omnia Fidei Catholicæ dogmata ex Scriptura clarè ostendi posse, nec necessarium est, uti Contro: I. ostensum.

ACA-



## ACATHOLICA DOCTRINA.

Confirmatio nō est Sacramentū, sed Eccle-  
siastica ceremonia ( sicut consecratio a-  
qua ) quā publica fit precatio pro baptiza-  
tis, ut Spiritu S. illos gubernare Deus ve-  
lit. Sed

UBI SCRIPTUM EST?

( NULLIBI )

Corollarium per se.

CONTROVERSIA XXXIV.  
DE EUCHARISTIA & PRÆSEN-  
TIA CORPORIS CHRISTI  
CATHOLICA DOCTRINA.

Eucharistia est Sacramentum, in quo post  
panis & vini consecrationem Dominus no-  
ster Jesus Christus verus Deus & homo, ve-  
rè realiter ac substantialiter sub specie il-  
larum rerum sensibilibus continetur, Sed

UBI SCRIPTUM EST?

Et, I. I. Cor: 11. 22, & Marth: 26.  
26. Ego enim accepi à Domino, quod &  
tradidi vobis, quoniam Dominus Jesus, in  
qua nocte tradabatur, accepit panem & gra-  
tias agens fregit & dixit: Accipite & mā-  
ducate: Hoc est corpus meum, quod pro vo-  
bis tradetur; hoc facite in meam commē-

mora-

morationem. Similiter & calicem postquam  
 cepit dicens: *Hic calix novam Testa-*  
*mentum est in meo Sanguine; hoc facite,*  
*quotiescunque bibetis in meam commemo-*  
*rationem* Nemo controvertit, hoc tex-  
 tu ostendi Eucharistiæ Institutionem.

II. Præsentia realis corporis Chri-  
 sti in Eucharistia ostenditur Verbis  
 Domini apud Matth. 26. 26. Marc:  
 14. 22. Luc: 22. 19. *Hoc est corpus*  
*meum*, Hoc res sub speciebus panis  
 contenta: EST I. non significat, sed  
 verè & propriè est, CORPUS ME-  
 UM I. non corpus mysticam, nec  
 corporis mei signum, sive efficax, si-  
 ve inefficax; sed hoc ipsum verum &  
 proprium Corpus, quod pro vobis  
 tradetur in mortem. Sic omnes SS.  
 Patres & Ecclesia à prima Instituti-  
 one usque huc intellexerunt, ut vi-  
 dere est apud Bell: hinc l. 1. c. 10. &  
 lib. 2, toto.

### ACATHOLICA DOCTRINA.

I. *N Eucharistia non est verè & realiter*  
*præsens Corpus Christi, sed vel figuratè*  
*tantùm, ut ait Calvinus; vel in sumptione*  
*modo, ut ajunt Lutherani.* Sed

UBI



UBI SCRIPTUM EST?

R<sup>x</sup> I. Contendunt hæc verba. *Hoc est corpus meum* figuratè esse intelligenda. CONTRA, Communis regula explicandæ Scripturæ. à SS, PP. datur; ut, nisi ab alia Scriptura, aut articulo aliquo fidei, aut à communi totius Ecclesiæ explicatione cogamur, proprium verborum sensum nūquam dimittamus.

II. Ps: 113. 3. *Deus autem noster in celo.* Isa: 66. 1, *Cælum sedes mea.* Ergo non est in Templo vel Altari per Sacramentum. CONTRA. In coelo quidem gloriam regni sui manifestat, tamen extra illud ubique est, & teste Apostolo Act: 17, 27. *non longe ab unoquoque nostrum.*

III. Matth: 15. 17. *Omne quod in os intrat, in ventrem vadit, & in secessum emittitur.* Christus non emittitur in secessum, ergo nec in os intrat. CONTRA. Sicut entæ consecrationem sub speciebus sine ullo sui detrimento non erat Christus, ita corruptis in stomacho speciebus sine ulla sui læsione desinit ibi Corpus Christi

Christi adesse. In hoc textu autem non loquitur Christus de omni, quod comeditur, sed quod ad nutriendum corpus sumitur.

IV. Matth. 24. 23. *Si quis vobis dixerit: ecce hic est Christus, aut illic; nolite credere.* Ergo nec credendum esse in hoc vel illo altari. CONTRA. Loquitur de Pseudochristis, ut contextus probat.

V. Matth. 26. 11. *Semper pauperes habetis vobiscum; me autem non sper habetis* CONTRA. Loquitur Christus de presentia sua corporali & visibili, & eo statu, in quo ab hominibus aliquid possit utilitatis recipere.

VI. Marc. 16. 19. *Assumptus est in Cælum, & sedet à dextris Dei.* Ergo si est in Eucharistia, debet Cælum deferere. CONTRA. Non est necesse enim cælum deferere, ut sit in Eucharistia; sicut quando Act. 9. 5. Paulo apparuit; cælum non deferuit: sed per omnipotentiam suam potest se in pluribus locis sistere.

VII. Luc. 24. 39. *Palpate & videte, quia spiritus carnem & ossa non habet, sicut*



*De Eucharist: & Pras: Corp: Christ. 130*  
*me videtis habere.* In Eucharistia autem  
nec videri nec palpari potest; ergo  
non est credendus ibi esse. **CONTRA.**  
Affirmativè benè sic concluditur: hoc  
palpatur & videtur, ergo corpus & præsens est.  
Non verò negativè. hoc non palpatur,  
nec videtur; ergo nec corpus nec præsens est.  
Nunquid Luc. 4. 30. quando transi-  
ens per medium illorum, quide mō-  
te præcipitare volebant, ibat: ut non  
fuerit vitus? ergo nec corpus nec præ-  
sens erat?

**VIII. Joan. 6. 64.** *Spiritus est, qui*  
*vivificat: caro non prodest quidquam.* Hic  
clarè dicitur Christi corpus non cor-  
poraliter, sed spiritualiter manducā-  
dum. **CONTRA.** Non loquitur Chri-  
stus de carne sua; sed de carnali in-  
telligentia Capharnaitarum, qui pu-  
tabant carnem Christi manducandam  
admodum alterius carnis. Nam sibi  
cōtradiceret dum ait v. 54, *Nisi & educa-*  
*veritis carnē Filii hominis &c. nō habebitis*  
*vitā* Manducare autē est propriè sumēdū

**IX. Joan: 12. 26.** *Ubi sum ego, illic*  
*& minister meus eris.* Sed sancti non sunt  
in Eucharistia, ergo neque Christus.  
**CON.**

**CONTRA.** Non dicit *ubicunque sum*: sed *ubi sum*. Pro quo satis est, si aliquibi cum eo sint Sancti: nempe in Regno gloriæ; de quo hîc loquitur.

X. Joan: 16. 28 *Relinquo mundum & vado ad Patrem.* **CONTRA.** Quoad conversationem humanam: hoc non impedit aliam præsentiam modum.

XI. Aët: 17, 24, *DEUS non in manibus & in templis habitat.* **CONTRA.** Similia loca propriè intelliguntur de Divinitate, quæ licet sit ubique, tamen non indiget loco; quam indigentiam hoc verbum *habitare* infert.

XII. 1, Cor: 10, 16, *Panis, quem frangimus, nonne participatio corporis Domini est?* si est panis, ergo non est corpus Christi. **CONTRA.** I. Vocatur panis juxta externam apparentiam specierum, quod Scriptura est familiare II. Phrasi Hebraica omnis cibi generatim vocatur panis.

XIII. Coloss: 3, 1, *Quæ sursum sunt querite, ubi Christus est in dextera Dei sedens.* Ergo non est querendus in Eucharistia. **CONTRA:** Non intelligit elevationem ad locum corporalem, sed



*De Præsent. Corp. Christi: extra Usum* 132  
sed abstractionem à rebus terrenis &  
curis hujus vitæ ad Deum: alioqui  
Astrologi omnium hominum piissimi  
essent, qui semper & animo & oculis  
inter sidera versantur. Vide Bell: hîc  
l, I, c, 14.

*Corollarium.*

**N**Unquid scriptum est, in Eucharistia  
verè esse corpus Christi, contra-  
rium verò non est scriptum.

CONTROVERSIA XXXV.

DE

PRÆSENTIA CORPORIS CHRIS-  
TI EXTRA USUM.

CATHOLICA DOCTRINA.

**C**onsecratione peracta Corpus Christi sub  
specie panis existens, verè & propriè est  
Sacramentum, sive sumatur, sive in pixide  
asservetur. Querunt Acatholici:

UBI SCRIPTUM EST?

**R.** I, Matth: 26, 26, *Hoc est corpus  
meum* Hæc verba mox, ubi à Chri-  
sto prolata sunt, fuerunt vera: sed fu-  
erunt ante manducationem prolata;  
ergo etiam ante manducationem fue-  
runt vera, & verè sub speciebus ex-  
stiterit

fit Sacramentum Corporis & Sanguinis Christi etiam ante manducationem: hinc Aug: dicit Tr, 80, in Jo: *Accedit verbum ad elementum, & fit Sacramentum.*

II, Cor: 10, 16, *Calix benedictionis, cui benedicimus, nonne communicatio Sanguinis Christi est? & panis quem frangimus nonne participatio Corporis Domini est.* Hic aperte Paulus dicit, prius panem & vinum consecrari, quam frangatur & distribuatur. Hinc Chryl: in illū locū ait: *Quid est in calice? quod ex latere Christi fluxit.* Vide Bell: hic l. 4, c, 2, Et male à tota Ecclesia, & omnibus Patribus diceretur *Sacramentum Altaris*, si modo manducatio fieret Sacramentū.

### ACATHOLICA DOCTRINA

*Corpus Christi propriè & verè non est in Eucharistia, nisi dum sumitur. Verum*

### UBI SCRIPTUM EST?

R. I. Matth: 26. 26. *Accipit Jesus panem, & benedixit, ac fregit, deditque discipulis suis & ait: accipite & comedite Hoc est corpus meum.* Hic Dominus prius manducationē imperat, quam consecret: ergo sicut distributionem  
imme-



immediatè secuta est verborum prolatio: ita & conversio panis in Christi corpus. CONTRA. Licet Evangelista prius narret distributionem & manducationem, quam Verborum prolationem; non tamen credendum est, hoc ordine peracta, quia Verba consecrationis continent rationem, quare deberent manducare hunc panem Eucharisticum.

II. Sacramenta pendent à divina institutione: sed Dominus instituit Eucharistiam, ut manducaretur, non autem ut in pixide servaretur: ergo non est Sacramentum, nisi cum manducatur. CONTRA. Dominus non iussit, ut continuò peracta consecratione manducaretur: sed iussit consecrari ad eum finem, ut manducaretur, quod fit, licet in pixide servetur. Deinde non prohibuit servari in pixide & Altari, ut tempore opportuno manducetur.

*Corollarium.*

**E**Rgo scriptum est, etià extra usum esse corpus Christi sub speciebus, & non scriptum est non esse nisi sumatur.

CON-

CONTROVERSIA XXXVI.  
DEI  
COMMUNIONE SUB UNA  
SPECIE.  
CATHOLICA DOCTRINA.

*In qualibet specie invenitur tota essentia  
& ratio Sacramenti; ita ut Hostia con-  
secrata, sicut in templis observatur, & à  
Laicis sumitur, non dici possit dimidiatum,  
sed dici debeat propriè integrum Sacramen-  
tum Eucharistiae: unde non est necesse sub  
utraque specie, sed sufficit sub una commu-  
nicare. Sed*

UBI SCRIPTUM EST?

*R. Ex Matth. 26. 26. Hoc est corpus  
meum, certum est corpus Christi esse  
in Eucharistia: & ex Rom: 6. 9. Chri-  
stus resurgens ex mortuis jam non moritur,  
certum est non esse corpus ex ani-  
mum & ex angue. Ergo, si sub specie  
panis est corpus Christi, est totus  
Christus.*

*II. Joan: 6. 52. Si quis manduca-  
verit ex hoc pane, vivet in aeternum v. 50  
Hic est panis de caelo descendens, ut si quis  
ex ipso manducaverit, non moriatur. v. 59.*

*Qui*



Qui manducat hunc panem, vivet in eternum v. 58. Qui manducat me, & ipse vivet propter me. Quos textus ex c. 6 Jo-an: plerique Patres, & Ecclesia intelligunt de Eucharistia, ut videre est apud Bell: hñc l. 1. c. 5 Atqui in his textibus Christus ostendit ad salutem sufficere unam speciem, cum non faciat mentionem alterius, & tamen promittit vitam eternam. Vide Bell: hñc l. 4. c. 24

## ACATHOLICA DOCTRINA.

Christi præceptum est sub utraque specie communicare, neque in una specie totū habetur Sacramentum. Sed

### UBI SCRIPTUM EST?

R. I. Jo. n. 6. 54. Nisi manducaveritis carnem Filii hominis & biberitis ejus sanguinem, non habebitis vitam in vobis. Hæc conjunctio nisi significat præceptum. CONTRA I. Præcipitur res I. Sacramentum sumendum, non modus sumendi. Jam autem sub una specie dum sumitur corpus, per concomitantiam sumitur & sanguis. II. Particula & in scriptura sæpè sumitur disjunctivè pro vel; ut sit sensus, nisi vel

vel manducaveritis, vel biberitis &c.  
 III. S. Aug: dicit multa in Scripturis  
 esse præcepta, quæ non per singulos  
 sed aliquos sunt implenda, inter quæ  
 est illud Genesi, 1. 28. *Crescite & mul-*  
*tiplicamini;* & hoc, de quo agimus.

II. Matth: 26. 27. *Bibite ex hoc omnes*  
 CONTRA. Omnes non sumitur uni-  
 versalissimè pro omnibus hominibus,  
 alioquin & Turcis, & Judæis, & E-  
 thnicis, & infantibus, & abstemiis o-  
 porteret dare calicem bibendum, sed  
 sumitur pro solis Apostolis ibi præ-  
 sentibus, quibus nimirum & calicem  
 dedit, & de quibus mox dictum, *Bi-*  
*berant ex eo omnes.* Cur autem non di-  
 xerit manducate ex hoc omnes, &  
 tamen dixerit *Bibite ex eo omnes;* ratio  
 est, ut scirent ita bibendum à singu-  
 lis, ut sufficeret pro omnibus.

III. Luc: 22. 19. *Hoc facite.* Hic præ-  
 cepit, ut Apostoli eadem facerent:  
 quid fecit? consecravit, sumpsit, &  
 distribuit presentibus utramque spe-  
 ciem. CONTRA. Lucas hæc verba  
 solum ponit post datum Sacramen-  
 tum sub specie panis, neque post  
 calicem



calicem porrectum repetiit: unde colligitur non voluisse Christum omnibus calicem exhiberi ut necessarium ad salutem. Nec probat quidquam particula *similiter & calicem &c.* nam illud *similiter* refertur ad *accepit*; ut sit sensus, sicut accepit panem, ita accepit calicem.

IV. 1. Cor: 11. 23. *Ego accepi à Domino, quod & tradidi vobis &c.* Hæc est Traditio Apostolica, quâ tradidit utramque speciem esse sumendam. CONTRA. *Tradidi* hîc non significat *mandavi*: sed *exposui* vobis historiam de Sacramenti institutione.

V. v. 25. Apostolus etiam ad calicem apponit præceptum *Hoc facite* sicut ad panem. CONTRA Ad panem apponit absolutè, ad calicem verò cum conditione *Hoc facite quotiescunque bibetis* Vide Bell, hîc lib, 4, c. 25. Corollarium.

AN scriptum est, esse præceptam Communionem sub utraque specie? an verò scriptum est, Communio nem sub una sufficere ad salutem?

G

CON

CONTROVERSIA XXXVII.  
DE SACRIFICIO MISSÆ  
CATHOLICA DOCTRINA.

*Missæ est sacrificium, in quo Deo verè ac  
proprie offertur Corpus & Sanguis Christi  
sub specie visibili panis & vini, modo  
incruento, quod ipse cruento obtulit  
in cruce Verum*

UBI SCRIPTUM EST.

R. I. Luc. 22. 19. & I. Cor. 11.  
24. *Hoc facite in meam commemorationem.*  
His verbis mandavit Apostolis & to-  
ti Ecclesiæ ad sui memoriam facere  
hoc, quod ipse cum in cœna faciebat  
de quo ne Acatbolici quidem dubi-  
tant: sed Christus in ultima Cœna se-  
ipsum sub specie panis & vini DEO  
Patri obtulit. Nam præterquam quòd  
facere tam in lingua Syriaca vel He-  
braica, quam latina sumatur pro *sacri-  
ficare*, sic Lev. 15. 15 dicitur: *Facies  
unum pro peccato* Et 3. Reg. 18. 23. ait  
Elias: & ego faciam bovem alterum: hæc  
verba, quæ Lucas dicit, quod pro vobis  
datur; & qui pro vobis funditur; aut quæ  
Matth. 26. 28 ponit, qui pro multis of-  
fundit.



fundetur in remissionem peccatorum. aut  
 quæ Paulus 1 Cor: 10. 16. ait, panis  
 quem frangimus, hæc, inquam verba,  
 datur, funditur effundetur, frangimus,  
 non significant, Apostolis dari ad  
 manducandum, vel fundi ad biben-  
 dum; sed sacrificari, vel offerri pro  
 Apostolis, nam dicitur pro vobis: ne-  
 que pro solis Apostolis, sed pro om-  
 nibus, nam dicitur pro multis. Sic  
 intelligunt SS. PP. apud Bell: hñc l. 1.  
 c. 12.

II. Ps: 109 4 Tu es Sacerdos in æ-  
 ternum secundum ordinem Melchisedech,  
 qui Gen, 14. 18. Proferens panem &  
 vinum (erat enim sacerdos DEI altissimi)  
 benedixit ei. Quæ David vaticinatus  
 est, de Christi incruento sacrificio,  
 quod tum ipse in Cœna ultima obtu-  
 lit, & nunc per Sacerdotes in Ecclesia  
 sua quotidie offert usque ad sæculi  
 consummationem. Sic accipiunt Pa-  
 tres apud Bell: hñc l. 1. c. 6.

III. Malach. 1. 11. Ab ortu solis us-  
 que ad occasum magnum est nomen meum in  
 Gentibus, & in omni loco sacrificatur. &  
 offertur nomini meo oblatio munda. Hæc

utique non intelliguntur de gentibus Idololatri: sed conversis ad Christum: quæ autem illa oblatio mundana ut vera sit Prophetia. nisi sacrificium Corporis & Sanguinis Christi incrementum? Sic SS. Patres accipiunt apud Bell: hîc l. 1. c. 10.

## ACATHOLICA DOCTRINA

**I**N Missa Deo præter orationes nihil offeritur à nobis; sed potius nobis offertur Deus Sacramentum: ut Catholicorum Missa non sacrificium, sed abominatio sit: dicenda. Sic variis in locis apud Luther. Verum,

## UBI SCRIPTUM EST?

R. 1. Matth. 26. 26. Accipite & manducate. His verbis Christus instituit Sacramentum & non Sacrificium; sed ut quæ nobis offert, non autem vult à nobis se sibi offerri. CONTRA. Per illa *Hoc facite*: instituit sacrificium. Deinde sub diversis rationibus idem corpus & sanguis Christi nos à Christo accipimus, & cum Christo Deo Patri incrementè offerimus, quod non repugnat.

II. Christus suum corpus & sanguinem Apostolis distribuit, non Pa-



tri obtulit. CONTRA. Contrarium  
modò in Doctrina Catholica ostensũ.

III. Matth: 26. 29. *Non bibam amo-  
do de hoc genimine vitis.* His verbis vi-  
detur prohibere sacrificium, CON-  
TRA. Hæc intelligenda esse de ca-  
lice, quem dedit bibendum post cæ-  
nam Agni, antequam institueret Sa-  
cramentum, ostendit Lucas 22. 18.  
& ex eo Hier: Beda & alii apud Cor-  
nel. à Lap. hîc.

IV. Ps. 109. 4. *Tu es Sacerdos in æ-  
ternum secundum ordinem Melchisedech.*  
Solut & unus Christus est Sacerdos,  
qui panem & vinum offerat in æter-  
num, ergo non sunt alii Sacerdotes  
ut successores substituendi, qui esse-  
rant. CONTRA. Quod Christus sit  
Sacerdos secundum ordinem Melchisedech  
in æternum, non impedit, quò minus  
ipse per alios etiam Sacerdotes, ut mi-  
nistros suos in hoc Sacerdotio pos-  
sit offerre panem & vinum.

V. Joan. 19. 30. *Consummatum est.*  
His significat Christus uno sacrificio  
perfectum esse, quidquid ad salutem

nostram necessarium erat, nec opus alio Sacrificio. CONTRA. His verbis significat consummatum esse cruentum sacrificium, & pœnas, quas in carne passurus erat. Sic Aug. Cyril. Theoph: & alii exponunt apud Bell: hîc l. 1. c. 25

*Corollarium.*

**S**equitur, *scriptum esse*, in Ecclesia esse sacrificium incruentum Corporis & Sangvinis Christi, non verò esse scriptum contrarium.

**CONTROVERSIA XXXVIII.  
DE EXTREMA UNCTIONE.  
CATHOLICA DOCTRINA.**

**E**Xtrema Unctio est verè & propriè dictum Sacramentum, quo celestis virtus ad salutem tum animæ, tum corporis agrotis applicetur Verùm.

**UBI SCRIPTUM EST?**

**R.** Jac; 5. 14. *Infirmatur quis in vobis? inducat presbyteros Ecclesie, & orent super eum, ungentes eum oleo in nomine Domini & oratio fidei salvabit infirmum, & alleviabit eum Dominus, & si in peccatis sit, remittentur ei.* Hîc habemus quæ

tria



tria ad Sacramenti essentiam requiruntur; symbolum externum, unguentes enim oleo, promissionem gratiæ, alleviabit enim Dominus, & si in peccatis &c. Institutionem ex eo, quod Apostolus tam audacter promiserat & tradat. Vide Bell. hic l. i. c. 2.

## ACATHOLICA DOCTRINA.

*Extrema Unctio non est Sacramentum. Sed*  
 UBI SCRIPTUM EST;

(NULLIBI)

Hinc I. semper negant hanc Jacobi Epistolam esse Canonicam: sed Ecclesia tota & SS. Patres pro Canonica acceperunt. II. Quærent. ubi scriptum est S. Jacobum hæc ita accepisse à Domino? Catholici vicissim quærent, ubi scriptum est, eum non accepisse? Et cui plus credendum, Apostolo id tam constanter asserenti & tradenti, an A catholicis?

*Corollarium per se.*

## CONTROVERSIA XXXIX.

## DE ORDINE

## CATHOLICA DOCTRINA

Ordo est verè ac propriè dictum Sacramentum

mentum, quo singularis gratia & potestas spiritualis quibusdam traditur, ut manus in Ecclesia ex professo gerant. Sed

### UBI SCRIPTUM EST?

R. I. Act: 6. 6. & 13. 3. &c. Habetur *Impositio manuum*, qua & Diaconos & Episcopos ordinârunt. Nec manuum impositio solum ad orationem ab Apostolis, sed ad ordinandum Ecclesiæ ministros adhibebatur. Et hoc est symbolum externum ad Sacram. Essentiam requisitum.

II. 1. Tim: 4. 14. *Noli negligere gratiam, quæ in te est, quæ data est tibi per prophetiam cum impositione manuum presbyteri.* Et 2. Tim: 1. 6. *Admonito te &c.* ostenditur promissio gratiæ, quæ est secundum requisitum.

III. Act. 13. 2. *Segregate mibi Saulum & Barnabam &c.* Actor 20. 28. *In quo vos Spiritus S. posuit Episcopos.* Ex hoc ostenditur mandatum & institutio, quod tertium est requisitum. Vide Bell: hîc lib: 1. c. 2. & apud Cornel: à Lap: Chryf: Theophyl: &c.

ACATHOLICA DOCTRINA.



**O**Rdo non est Sacramentum. Sed  
**UBI SCRIPTUM EST?**  
 ( NULLIBI )

Sed tamen opponunt Exemplum Christi, qui Apostolis non imposuerit manus, cum eos Sacerdotes ordinavit. **CONTRA.** I. Ubi scriptum est. Christum Apostolis manus non imposuisse; Il Licet Christus non imposuisset manus, nihil probat contra Sacramentum; quia Christus Sacramenti auctor, non erat ita alligatus Sacramentis, sed poterat effectum Sacramenti sine Sacramento dare.

*Corollarium per se.*

**CONTROVERSIA XL.**  
**DE MATRIMONIO**  
**CATHOLICA DOCTRINA.**

**M**atrimonium est varè & propriè dictum Sacramentum, ad individuum vice conjugum inter conjuges transigendam divinitus institutū. Sed

**UBI SCRIPTUM EST?**

**R.** I. Ephes, 5. 32. Sacramentum hoc magnum est, ego autem dico in Christo & in Ecclesia. Neque censendus est solum loqui Apostolus de matrimonio,

ut est contractus, & prout fuit ab initio mundi; quia in omnibus comparat cōjunctioni, quæ est inter Christum & Ecclesiam. Et sic explicant Ambrosi: Hier: Chrysoft Aug. & alii hunc Apostoli textum cum prioribus illius capituli, apud Bell. hinc l. 1. c. 2. Et hoc est symbolum externum.

II. 1. Tim. 2. 15 *Salvabitur per filiorum generationem, si permanserit in fide &c.* I. si aliis peccatis gratiam non impediatur: Et hæc est promissio gratiæ,

III. Ex his Apostoli verbis tam audacter asseverantis colligitur institutio, quam à Christo vel aliis Apostolis acceperit: secus enim tam confidenter Apostolus nunquā asseruisset.

#### ACATHOLICA DOCTRINA.

*Matrimonium non est Sacramentum à Christo institutum. Sed*

UBI SCRIPTUM EST?

(NULLIBI.)

*Corollarium per se.*

CONTROVERSIA XLI.

DE PÆNITENTIA.

CATHOLICA DOCTRINA.

*P*ænitentia est verè & propriè dictum  
Sa-



*Sacramentum, in quo Sacerdotalis Absolutio à peccatis, quæ detestatus, ritèque confessus quis fuerit, impenditur. Verum*

### UBI SCRIPTUM EST?

*R. Joan. 20. 23. Quorum remisseritis peccata, remittantur eis; & quorum retinueritis, retenta sunt. His verbis tria ad Sacramentum requisita ostenduntur. I. Ritus seu symbolum externum istis verbis; quorum remisseritis, & quorum retinueritis declaratur; peccata enim nec remitti nec retineri ulli possunt, nisi qui testetur se habere; & nemo ea remittere aut retinere creditur, nisi id faciat signo aliquo externo. Ergo hic est ritus pœnitentis & absolventis. II. His ipsis verbis clarè apparet institutio, quibus Christus potestatem tribuit. III. Gratia p. omisso iis verbis remittuntur eis, exprimitur Vide Bell: hñcl i. c. 10.*

### ACATHOLICA DOCTRINA.

*Pœnitentia non est verum Sacramentum, nisi idem sit cum Baptismo, Sed*

### UBI SCRIPTUM EST?

*R. Act, 2. 38. Pœnitentiam agite, & baptizetur unusquisque vestrum in nomine*

*Jesu Christo in remissionem peccatorum,*  
**CONTRA.** Hic agitur de adultis non  
 baptizatis, uti contextus probat, in  
 quibus non negamus poenitentiam re-  
 quiri ante & cum Baptismo: nos ve-  
 rò agimus de Poenitentia, qua post  
 Baptismum peccata remittuntur; de  
 qua Petrus Actor 8. 22. ad Simonem  
 Magum baptizatum loquitur, *Pœni-*  
*tentiam age ab hac nequitia tue.*

*Corollarium.*

**Q**UAM perspicuum est scriptum esse  
 Poenitentiam esse verum Sacra-  
 mentum! nullibi verò scriptum esse non  
 esse Sacramentum.

### CONTROVERSIA XLII.

#### DE CONFESSIOE.

#### CATHOLICA DOCTRINA.

**C**onfessio omnium peccatorum mortalium:  
*Jure divino necessaria est iis, qui post*  
*Baptismum in peccata labuntur. Verum*

#### UBI SCRIPTUM EST?

**R.** I. Matth. 16. 19. *Tibi dabo cla-*  
*ves regni celorum: & quodcunque ligave-*  
*ris super terrâ erit ligatum & in calis & quod*  
*cunque solveris super terram, erit solutum*  
*& in calis. Match. 18. 18. Quaecunque*  
*alli-*



*alligaveritis super terram, erunt ligata & in calo, & quaecumq; solveritis super terram erunt soluta & in calo Joā 20. 23. Quorum remiseritis peccata, remittuntur eis, & quorum retinueritis, retenta sunt. In his locis verè à Christo datur potestas, non prædicandi: & pœnitentibus remissionem, aut impenitentibus damnationem annuntiandi? sed verè ex auctoritate absolvendi aut ligandi, remittendi aut retinendi peccata. Hæc autem potestas est judiciaria, & sine cognitione causæ exerceri non potest: quare necessaria est peccatorum Confessio, ut Sacerdos tanquam Judex de iis possit cognoscere & sententiam ferre. sic textus hos exponunt Chrysoſt. Naz: Amb: Hier: Aug: Inn. Greg: apud Bell: hîc l. 3. c. 2.*

*II. Actor. 19. 18. Multi credentium baptizatorum veniebant confitentes, & annuntiantes actus suos. Hunc locum de vera peccatorum Confessione accipiunt Doctores apud Cornel. à Lap: hîc.*

*III. Jac. 5. 16. Confitemini alterutrum peccata vestra, & orate pro invicem, ut salvemini. Hunc de Confessione*

*ex-*

explicant Beda. Barn: Hugo, Bonav. alique apud Cornel: à Lap. hîc.

IV. 1. Joan. 1. 9. *Si confiteamur peccata nostra, fidelis est, & justus, ut remittat nobis peccata nostra, & emundet nos ab omni iniquitate.* Hîc intelligi specialem Confessionem gravium peccatorum, docent ex Patribus tam Bell: lib: 1. de Pœnit: cap. 13. quàm Corn: à Lap. hîc.

### ACATHOLICA DOCTRINA

*Confessio secreta & specialis peccatorum, que secunda pars est Penitentiae, non est à Deo præcepta: unde nec quisquam ad eam cogi potest; sed est libera, ut ea quis enumeret, que voluerit. Sed*

### UBI SCRIPTUM EST?

( NULLIBI )

Neque licet hîc argumētari à Christi Exemplo, qui passim sine confessione peccata remisit: nam ipse ut auctor Sacramentorum, non dependebat à Sacramento, sed ut Deus peccata simpliciter donavit, Sacerdotes autem ut Ministri dependent à Sacramento.

*Corollarium. per se.*

CON,



CONTROVERSIA XLIII.  
DE SATISFACTIONE  
CATHOLICA DOCTRINA.

*Post remissam culpam sæpè remanet re-  
atus pœnæ temporalis, in quam pœna Ge-  
hennæ æterna mortalibus peccatis debita,  
est mutata. Sed*

UBI SCRIPTUM EST?

*Re. I. 2. Reg. 12. 13. Dicenti Da-  
vid: Peccavi Domino, dixit Nathan: Do-  
minus quoque transtulit peccatum tuum:  
non morieris. Verumtamen quoniam bla-  
sphemare fecisti inimicos Domini propter  
verbum hoc; filius, qui natus est tibi, mor-  
te morietur. 2. Reg: 24. 12. David ob  
numeratum populum pœnitentiam  
egerat; & tamen post remissam cul-  
pam datur optio, ut eligat in pœnâ  
peccati, vel bellum, vel famem, vel  
pestem. Et his Davidem revera ob  
peccata præterita, non ad futura ca-  
venda punitum fuisse ostendit tum  
ipse David, qui conatus est utramq;  
pœnam pœnalibus operibus aut aver-  
tere aut mitigare, tum S. Gregor. 1  
9. Mor. c. 27. apud Bell. hîc l. 4. c. 2.*

II. Plura loca adduci possunt Nū.  
14. ubi populo remissa culpa; omnes  
tamen mortui in poenā in deserto.  
Num: 20. ubi Moyses. & Aaron ea-  
dem poena mulctantur &c.

## ACATHOLICA DOCTRINA:

*REmissa culpā nullas à Justis penas ob  
præterita delicta Deus exigit; sed tantum  
paternè castigat ad cavēda futura. Verum*

## UBI SCRIPTUM EST?

R., I Ezech: 33. 22. *Impietas impii  
non nocebit ei, in quacunque die conversus  
fuerit ab impietate sua. Ergo nullas post  
conversionem Deus poenas exigit.*  
CONTRA Propheta loquitur de pæ-  
na æterna, quam post conversionem  
non imponet Deus. Vide Bell; hñc  
l. 4. c. 11.

II. Joan: 8. 12. *Adulteræ Christus  
post remissam culpam non aliam pæ-  
nam imponit, quā: Vade & jam am-  
plius noli peccare.* CONTRA, Potuit  
Christus, ut Deus, ob magnitudinem  
contritionis, omnem poenam cum  
culpa dimisisse: sed inde non licet  
argumentari ad Sacerdotes, qui tan-  
quam Ministri dependent à Sacra-  
mento

Corol-



**A**N non scriptum est post culpam remissam remanere poenam temporalem; & contrarium non est scriptum?

CONTROVERSIA XLIV.

DE

OPERIBUS SATISFACTORIIS.  
CATHOLICA DOCTRINA.

**P**OENAE temporales alterius vitae redimi possunt Jeuniis, precibus, elemosynis, aliisque bonis & laboriosis operibus hujus vitae; sive sponte assumptis, sive a sacerdote injunctis. Sed

UBI SCRIPTUM EST?

**R.** I. Dan. 4. 24. Peccata tua Elemosynis redime, & iniquitates tuas misericordiis pauperum. Tob. 4. 11. Elemosyna ab omni peccato & à morte liberat. Et huc pertinent omnia opera misericordiae.

**II.** Ps. 49. 15. Invoca me in die tribulationis, eruam te. Et pro oratione est Exemplum Davidis, qui hunc in finem praefer Psalm. 50. plures alios scripsit.

**III.** 2. Reg. 12. 16. Jejunavit David

vid. jejunio Joel 2, 15. Sanctificatio jejunium Joan: 3. Jejunium Ninivitarum. Et huc spectant alie afflictiones corporis, Cilicia, flagella &c.

IV. Job. 42. 6. Ipse me reprehendo, & ago poenitentiam in favilla & cinere. Hæc sponte elegit Jobus.

V. Matth. 18. 18. Quaecunque alligaveritis, erunt ligata. Ex his concludit Conc. Trid. Sess. 14. Can. 15. Sicut Sacerdotes potestatem habent à culpa poenitentes absolvendi, ita etiam ad certa poenitentiae opera alligandi habere à Deo potestatem.

VI. 2. Reg. 12. David jeuniis & precibus non potuit satisfacere pro morte filii: quæ erat poena temporalis hujus vitæ; Deus enim aliter statuerat. Vide de omnibus his Bell: hinc lib: 4. c. 3, 4, 5, 6, & 9. ubi reperies SS, PP.

#### ACATHOLICA DOCTRINA.

**P**oenæ temporalis peccatorum nullis operibus radendi potest; ait Calvinus, Lutherus verò admittit. posse voluntariis penis Dei poenam mitigari, aut averti, non tamen per modum satisfactionis: & Ecclesiam ut

Ma.



*Matrem posse filios suos iisdem impositis  
castigare; sed non pertinere ad clavium po-  
testatem. Sed*

UBI SCRIPTUM EST?

(NULLIBI)

*Corollarium per se.*

CONTROVERSIA XLV.

DE INDULGENTIIS.

CATHOLICA DOCTRINA.

**I**ndulgentiis à Pontifice, vel alio Eccle-  
sia Prælato concessis. per applicationem  
Thesauri Ecclesiastici 1. infiniti & inex-  
hausti cumuli meritorum Christi, & alio-  
rum SS in Ecclesia ad peccatoris solatium  
relicti, pro pœna temporali a peccatis act u-  
alibus jam remissis debita satisfieri po-  
test. Verum.

UBI SCRIPTUM EST?

R. Matth: 16. 19. Tibi dabo cla-  
ves regni celorum; & quodcumque solveris  
super terram, erit solutum & in celis.  
Ec. Joan: 21. 17. Pæce oves meas. His  
verbis, uti ostensum Controv: 8, Da-  
ta est Petro & Successoribus summa  
potestas in Ecclesiam ejusque mem-  
bra, non tantum ligandi, sed & sol-  
ven

vendi, non solum à culpa, sed etiã à  
 pœna. vel imponendo opera satisfac-  
 toria, ut dictum est Controv: pri-  
 ore de aliis Sacerdotibus ex illo Matth:  
 19, vel aperiendo Thesaurum meri-  
 torum Christi, & Fidelibus potesta-  
 tem faciendo, inde sumendi, ut Deo  
 pro pœna debita satisfaciant. Ita huc-  
 usque sensit Ecclesia universa, uti ex  
 Extravagante *Unigenitus* de Penit. &  
 Remiss: patet. Nec usus est priscis i-  
 gnotus, nam à S: Greg: cœpisse in-  
 dulgentias stationum, ait Toletus, &  
 in Concilio Nicæno Anno CCCX.  
 XVII, datas Indulgentias censent nō  
 pauci apud Suarez: Imò S, Thomas  
 & multi alii judicant S, Paulum in-  
 cestuosum illum Corinthium, quem  
 1, Cor: 5, excommunicatione liga-  
 rat, & Sathanæ in pœnam tempora-  
 lem tradiderat, non solum à vincu-  
 lo solvisse, sed etiam per Indulgenti-  
 as concessas à pœna liberasse 2, Cor:  
 2: 10. Ubi ait: *Nam & ego quod donavi,*  
*si quid donavi, propter vos in persona Chri-*  
*sti* 1. coram Christo. vel vices Chri-  
 sti gerens, ut plures explicant apud  
 Cornel: à Lap.

Ex



Ex eodem ostenditur, posse Ecclesiam Indulgentias concedere, quas vivi possint applicare animabus in purgatorio, sicut alia opera, de quibus *sup.*

ACATHOLICA DOCTRINA.

**E**cclēsia nec pro vivis: nec pro defunctis  
potest dare indulgentias. Sed

UBI SCRIPTUM EST?

( NULLIBI. )

*Corollarium per se.*



COR OL-



## COROLLARIUM COROLLARIORUM.

**Q**uisque prudens, discre-  
tus, suæque salutis a-  
mans haud aegrè faciet, u-  
bi singula in hoc Libello  
secundum Admonitio-  
nem initio posi-  
tam legerit  
& ponde-  
rârit.



## INDEX



# I N D E X

## - CONTROVERSIARUM


<i>DE Traditionibus</i>	- - -	pag: 1.
<i>De Verbi Dei Interpretatione</i>	- - -	6.
<i>De infallibili Scripturarū Interprete</i>	- - -	9.
<i>De visibili Ecclesia.</i>	- - -	15.
<i>De Ecclesie duratione.</i>	- - -	19.
<i>De Infallibilitate Ecclesie.</i>	- - -	23.
<i>De visibili Capite Ecclesie.</i>	- - -	27.
<i>De Petro visibili Ecclesie Capite.</i>	- - -	31.
<i>De Petri in Primatu Successore.</i>	- - -	37.
<i>De infallibilitate Pontificis</i>	- - -	39.
<i>De Auctoritate Conciliorū in Ecclesia.</i>	- - -	43.
<i>De Clericatu in Ecclesia.</i>	- - -	46.
<i>De vocatione Ministrorum</i>	- - -	49.
<i>De ordinatione Ministrorum.</i>	- - -	52.
<i>De Cœlibatu in Ecclesia.</i>	- - -	54.
<i>De Consiliis Evangelicis.</i>	- - -	58.
<i>De Votis.</i>	- - -	64.
<i>De Observatione legis divine.</i>	- - -	67.
<i>De Peccatis actualibus.</i>	- - -	73.
<i>De Libero Arbitrio.</i>	- - -	77.
<i>De Justificatione.</i>	- - -	82.
<i>De Incertitudine justificationis.</i>	- - -	87.
<i>De necessitate bonorum operum.</i>	- - -	95.
<i>De bonorum operum merito.</i>	- - -	99.


# I N D E X

De Purgatorio.	-	-	104.
De Suffragiis pro defunctis.	-	-	109.
De Cultu SS.	-	-	112.
De SS. Invocatione.	-	-	115.
De SS. Reliquiis.	-	-	118.
De Imaginibus SS.	-	-	120.
De Sacramentis.	-	-	121.
De Baptismo.	-	-	122.
De Confirmatione.	-	-	124.
De Eucharistia & praesentia Corporis Christi.	-	-	126.
De praesentia Corporis Christi extra u- sum.	-	-	132.
De Communionem sub una specie.	-	-	135.
De Sacrificio Missae.	-	-	139.
De Extrema Unctione.	-	-	143.
De Ordine.	-	-	144.
De Matrimonio.	-	-	146.
De Pœnitentia.	-	-	147.
De Confessione.	-	-	149.
De Satisfactione.	-	-	153.
De operibus Satisfactoriis.	-	-	155.
De Indulgentiis.	-	-	157.


























Biblioteka Jagiellońska



stdr0027181

